

Esad Hasaničević



SPORTSKO RIBOLOVNO DRUŠTVO JELAH-TEŠANJ

Povodom 70 godina rada Udruženja

SADRŽAJ		Strana
	Recenzija	3
	Predgovor	4
	Uvod	5
I	PRVO POGLAVLJE	9
	Općina Tešanj	9
	Geografske karakteristike	9
	Mjesne zajednice općine Tešanj	10
	Jelah	10
	Vode područja općine Tešanj	17
	Ribarska udruženja	17
II	DRUGO POGLAVLJE	18
	Udruženje građana sportskih ribolovaca „Jelah-Tešanj“	18
III	TREĆE POGLAVLJE	29
	Sportske aktivnosti i rezultati	29
IV	ČETVRTO POGLAVLJE	54
	Ekološke akcije	54
V	PETO POGLAVLJE	61
	Stanje vodotoka kroz vrijeme	61
	Posljedice onečišćenja vodotoka Usore	64
	Europska povelja o vodi	72
	Strukture u vodotoku (poprečne strukture)	73
	Riječni pragovi	75
	Nasuta brana	76
	Betonska brana	78
	Gravitacijska brana	78
	Lučna brana	79
	Raščlanjena brana	79
	Jelaška brana	80
	Ribočuvarska služba	80
VI	ŠESTO POGLAVLJE	84
	Planske aktivnosti	84
	Redovne aktivnosti	84

	Održavanje postojećih brana u Jelahu i Kraševu	84
	Uređivanje ribarskih staza	84
	Dugoročne aktivnosti	87
	Izgradnja riječnih pragova (niskih brana)	87
	Projekt „Jezero Rastoke“	89
VII	SEDMO POGLAVLJE	93
	Aktuelna Statutarno – poslovnička regulativa	95
	Statut Sportsko ribolovnog društva „Jelah-Tešanj“	98
VIII	OSMO POGLAVLJE	113
	Zaključak sa porukom	113
	Literatura	114
	Podaci o autoru	116

Recenzija

Kao dugogodišnji i strastveni ribolovac koji je imao za čast da među prvima čita rukopis autora Esada Hasaničevića, a kojeg je okarakterizirao kao „Monografija SRD „Jelah-Tešanj“, sa zadovoljstvom mogu istaći da je, prije svega, veoma zanimljivo štivo. Autor se potrudio da nam riječima i fotografijama dočara rijeku Usoru od njenog izvora, pa do ušća.

U nekoliko poglavlja je obradio pojedine, a veoma značajne segmente riječnog toka i priobalja,

Poseban aspekt je usmjerio na sportsko ribolovno društvo „Jelah-Tešanj“ i njegovu aktivnost od osnivanja do današnjih dana.

Sportske rezultate, koji su veoma impresivni je predstavio autentično i argumentirano. Svaku konstataciju je dokumentovao tekstom ili fotografijom.

Pored sportskog, autor je potencirano i ekološki aspekt djelovanja Društva, kao i društveni angažman za razvoj privrednih i turističkih potencijala općine Tešanj i mjesne zajednice Jelah.

Ovim putem i načinom izražavam svoju radost što smo nakon 70 godina u prilici da dokumentujemo naše postojanje, uz prezentiranje imponantnih sportskih rezultata.

Nermin Pknjač, dipl.mr.ph.

Predgovor

Svakodnevnicu je obilata događajima. Zavisno od ljudske procjene važnosti trenutka, događanja se pamte i prepričavaju. Međutim, vremenom se zaboravljaju i nestaju iz sjećanja. Jedna mudra izreka kaže: „Što nije zapisano, nije se ni desilo“.

Bosansko-hercegovački prostor je prošao i preko glave preturio mnoge lijepe i mnoge ružne stvari, ali o njima postoje malobrojni pisani tragovi. Ni prostor naše općine po tom pitanju nije izuzetak.

Iako sport ima dugu tradiciju, krenemo li pisanim tragovima, nećemo se vratiti daleko u prošlost. Slična situacija je i sa ribolovom.

Da bismo tu praksu, bar u malom dijelu prekinuli, odlučismo zapisati neke podatke o nastanku, postojanju, aktivnostima i rezultatima Sportskog ribolovnog društva „Jelah-Tešanj“.

S obzirom da se približila 70. godišnjica od osnivanja Udruženja, početkom 2017. godine se javila ideja za pisanje monografije, što je aktuelno rukovodstvo podržalo, a potom i aktivno se uključilo u prikupljanju arhivske građe. Ovom prilikom mu izražavamo svoju zahvalnost.

Posebno se zahvaljujemo starijim članovima, kao i njihovim porodicama na ustupljenim fotografijama i „sjećanjima“ na period osnivanja Udruženja. Bez tih informacija ne bismo imali cjelovitu sliku o istorijatu rada Udruženja.

Ova monografija, kao autentičan dokument je nastala, prije svega, sa ciljem da koristi i bude podsticaj budućim generacijama ribolovaca. Informacije o radu naših sportskih ribolovaca, spomenutih u ovoj monografiji, tokom proteklih 70 godina, mogu poslužiti kao uzor i podsticaj mladim ljudima – sportskim ribolovcima za aktivan društveni angažman.

Pored najbolje želje i nastojanja da sakupimo što više autentične arhivske građe o našem Udruženju, moguće je da nismo došli do svih značajnih detalja. Zbog toga je moguće da neke ljude i važne događaje nismo spomenuli.

U ime toga svima, koji su zaslužni, a u ovoj monografiji, nenamjerno nisu spomenuti, upućujemo iskreno izvinjenje.

Autor.

Uvod

Božjom voljom u neko davno vrijeme iz planinskih vrleti podno Vlačića i Borja poče teći bistra voda, koja kažu da je i zlato nosila. Neki u to i danas vjeruju. Usorom je nazvaše.

Borja je planina u BiH, južno od Teslića. Visoka je 1077 m, prekrivena gustom crnogorično-listopadnom šumom. Dobila je ime po borovoj šumi koja pokriva njene vrhove. Bogata je izvorima, a najpoznatiji joj je izvor Hajdučke vode pored koga se nalazi i sportsko-rekreativni centar Hajdučke vode. Nalazi se na jugoistočnom dijelu općine Kotor Varoš u središnjem dijelu BiH.



Runjavica/najviša tačka na planini Borja/pogled sa visoravni Solila

Pouzdatih podataka o imenu rijeke Usore nema, ali neki nas upućuju na to.

Cijeli prostor oko rijeke Usore i njezinih pritoka nosi povijesni naziv Usora.

Bio je nastanjen još u paleolitiku (starije kameno doba). Dr Đuro Basler i Zdravko Marić su u Makljenovcu otkrili prebivališta čovjeka u tim prahistorijskim vremenima.

Ime **Usora** u historijskim izvorima spominje se prvi put 1225. godine u pismu pape Honorija III Andriji II ugarsko-hrvatskom kralju.

Porijeklo imena Usora je posebna zagonetka. Lingvisti i historičari se značajno razilaze pri utvrđivanju pravog izvora: od slavenske riječi V'SOR' u značenju ohol, ponosit, grub, srdit, osoran do pokušaja

izvođenja njenog imena iz naziva ondje nastanjenog ilirskog plemena Oserijata.

Naime, odbacivši ilirski prisvojni sufiks *-ata* dobijamo ime rijeke Oser (-is), a mi ga tumačimo kao Usora.

Usora je rijeka u Bosni i Hercegovini, lijeva pritoka rijeke Bosne u koju se ulijeva južno od Doboja. Šta njeno ime simbolizira teško je pretpostaviti, ali koliko nam znači svi smo sa tim načisto. Vijekovima teče i protiče kroz planine, pašnjake, livade i naselja. Nekada izaziva divljenje, a nekada strahopoštovanje. Nastaje u Tesliću, spajanjem Male Usore (s lijeva) i Velike Usore (s desna). Dužina rijeke Usore je 82 kilometra.

Mala Usora (ili Usorica)

Izvire ispod planine Borja kao Usorica u selu Lipovčićima, petnaestak km zapadno od grada Teslića. Izvire ispod (južno) od magistralnog puta M-4 (Banja Luka - Matuzići), desetak km zapadno od Pribinića. Dolazi iz planinskog masiva Uzlomac – Borja – Očauš ispod kojeg u manjim razdaljinama izvire više bosanskih rijeka i njihovih pritoka, u slivovima Vrbanje i Ukrine. U gornjem toku, ova rijeka pravi veliki luk oko Borja, od njegovih jugozapadnih do sjeveroistočnih padina.

Desne pritoke su joj: Mišića rijeka, Velika Ostružnja, Inova, Miljkovača, Velika rijeka, Brezna i manji potoci, a lijeve: Rankovića rijeka i Gračanica.

Velika Usora nastaje spajanjem Gomjenice i Brkića potoka.

Veće lijeve pritoke su joj : Uzvinska rijeka, Marica, Želeća, Gomjenica i Mala Usora, a desne Studena, Žiraja i Blatnica.

Uzvinska rijeka je lijeva pritoka Velike Usore, dugačka je oko 11 kilometara (od izvora glavne sastavnice Ravne), a nastaje spajanjem dva potoka: Ravne i Borjašnice. Teče, uz manja odstupanja, pravcem zapad - istok. Porječje joj je omeđeno sa desne strane planinom Borjom do platoa Milakovac, visovima Veliki i Mali Zbjeg, brdom Kobiljaš, Stjepanovića brdom i Šašikama, a sa lijeve strane Trivunovića brdom, Boricima, Raskršćem, Maričkim brdom i Dukića brdom.

Nakon spajanja Velike Usore sa Malom Usorom kod mjesta Sastavci u općini Teslić nastaje rijeka Usora.

Ušće Usore u rijeku Bosnu je na visini od 147 metara, oko 4 km jugozapadno od Doboja u mjestu Karuše, općina Doboj Jug.

Do sredine dvadesetog vijeka, cijelim tokom, a naročito u gornjem dijelu, na rijeci su bili postavljeni mlinovi i uređivana kupališta. Voda

je korištena za piće. Danas, zbog nekontrolisanog izlivanja tehničkih otpadnih voda, kanalizacionih i drugih nečistoća, rijeka je zagađena, tako da je rijetko koriste čak i kupaći.


U većem dijelu toka Usora je bujičasta rijeka, pa u sve češćim poplavama, izaziva velike materijalne štete. To je naročito izraženo u proljeće i jesen, a ponekada i za vrijeme ljetnih padavina.

U gornjem toku prosječne širine je 10 m, a dubina joj varira. Pojedini virovi su duboki 3-4 m.


Što se tiče ribljeg fonda u izvornom dijelu pa do mjesta Studenci (oko 40 kilometara toka čiste planinske vode), nastanjena je potočna pastrmka, a zatim klen, škobalj, krkuša, potočna mrena, mrena, plotica, gagica (lokalni naziv jošavka), uklija (lok.bijelić) i bjelica. Taj dio toka pa do grada Teslića je i najljepši za ribolov, jer je voda čista, riba zdrava i odlično se bori.

Zimi, na mirnijim dijelovima rijeka ledi. Debljina leda je često dovoljna da izdrži pješake.

Za vrijeme ratnih dešavanja u BiH i javašluka na vodi, riba je skoro uništena bombama i raznoraznim minsko-eksplozivnim sredstvima, te strujom, mrežama i t.d.), ali se riblji fond oporavio tako da mogu prijatno iznenaditi i ulovi klenu preko 1kg kao i škobalja i mreke.




Babuška
(*Carassius auratus gibelio*)




Bucov
(*Aspius aspius*)




Klen
(*Squalius cephalus*)



Mrena
(*Barbus barbus*)




Škobalj
(*Chondrostoma nasus*)



Smuđ
(*Sander lucioperca*)



Som
(*Silurus glanis*)



Šaran
(*Cyprinus carpio*)

I - PRVO POGLAVLJE

OPĆINA TEŠANJ



Panorama Tešnja - pogled sa Kerića Brda

Geografske karakteristike

Općina Tešanj je locirana na geografskoj širini 44° 33'. Nadmorska visina je 230 m (najveća nadmorska visina je 732 m na Crnom vrhu). Klima je umjereno-kontinentalna. Površina općine je 163 km². Spada u red gušće naseljenih općina u Bosni i Hercegovini (283 stanovnika po km²). Nalazi se na prostoru između srednje i sjeveroistočne Bosne i Hercegovine, a prema teritorijalnom ustrojstvu Bosne i Hercegovine ona pripada sjeverozapadnom dijelu entiteta Federacije BiH i jedna je od dvanaest općina Zeničko-dobojskog kantona, kao općina koja predstavlja sjeverozapadni dio ovog kantona. Sadašnja teritorija općine Tešanj je određena Dejtonskim mirovnim sporazumom za BiH iz 1995. godine i Zakonom o konstituisanju novih općina u Federaciji BiH, te nakon ovako uspostavljenih novih, poratnih, granica teritorija općine Tešanj se umanjila sa dotadašnjih 223 km² na sadašnjih 163 km². U reljefnom smislu općina Tešanj se nalazi u pojasu niskih unutrašnjih Dinarida i spada u karakteristično brežuljkasto-brdovita područja sjeverne Bosne. Ravničarski dio općine (nadmorska visina od 148 m do

200 m) se prostire uz rijeke Usoru, Radušicu, Tešanjku i Bosnu. Najveći dio površine općine Tešanj čine brežuljkasto-brdovita područja nadmorske visine 200-400 m i zauzimaju centralni dio teritorije općine Tešanj. Izrazito brdoviti dio teritorije općine Tešanj se proteže u jugozapadnom, južnom i jugoistočnom dijelu općine. U tom dijelu nadmorska visina se kreće od 400 do 700 m (poznatije kote u tom dijelu su Zmajevac – 684 m, Crni vrh – 732 m, te Trebačko brdo – 604 m). U ovom prostoru je evidentan veliki broj klizišta.

Mjesne zajednice općine Tešanj


Područje općine Tešanj čine naseljena mjesta: Bukva, Blaževci, Bobare, Cerovac, Čaglici, Čifluk, Dobropolje, Drinčići, Džemilić Planje, Jevadžije, Jelah, Jablanica, Jelah-polje, Kalošević, Karadaglije, Koprivci, Kraševo, Lepenica, Logobare, Lončari, Ljetinić, Mrkotić, Miljanovci, Medakovo, Mekiš, Novo Selo, Novi Miljanovci, Oraš Planje, Piljužici, Potočani, Putešić, Raduša, Rosulje, Ripna, Šije, Tešanj, Trepče, Tešanjka, Tugovići, Vrela (dio), Vukovo i Hrvatinovići.

Naseljena mjesta su u organizacijsko-administrativnom smislu podijeljena na 23 mjesne zajednice.

Neka su, kao što je mjesna zajednica Jelah, poprimila mnogostruka obilježja urbane sredine.

Jelah se nalazi na raskrsnici puteva Tešanj-Prnjavor i Doboj-Teslić, oko 6 km sjeverozapadno od Tešnja. Mjesna zajednica Jelah je relativno mali prostor ukupne površine 9 km², koja je smještena u sjevernom dijelu Bosne i Hercegovine. Proteže se dolinom rijeke Usore. Sa sjevera i sjeverozapada se granici sa mjesnom zajednicom Kalošević sa sjeveroistoka sa općinom Usora. Po konfiguraciji, reljef je brežuljkast, blagih nagiba. Najniža tačka u dolini rijeke Usore iznosi 173 m, a najviša tačka 205 m nadmorske visine.

Prije nepunih 60 godina Jelah je bio maleno naselje, kroz koje je prolazila željeznička pruga, sa željezničkom stanicom, na relaciji Pribinić-Teslić-Jelah-Doboj-Slavonski Brod.



Prugu je izgradila austrougarska vlast, a u svrhu kvalitetnije eksploatacije šumskog bogatstva bosanskih šuma. Naravno, pruga je imala i svrhu prevoza putnika i ostalih roba na ovoj putnoj relaciji.



Pruga kroz centar Jelaha

Upoređujući današnji izgled jelaške sredine nestvarno djeluje fotografija iz 1960. godine.

Također je teško zamisliti lokomotivu koja je vozila putničke i teretne vagone tokom višedecenijskog perioda.



Popularni Čiro-ne saobraća od 01.04.1966

Među mnogobrojnim putnicima koji su koristili ovaj vid prevoza nalazi se i autor ovih redova.

Sa posebnim ushićenjem i zadovoljstvom ističe da su iz tih generacija ponikli mnogobrojni profesori, diplomirani ekonomisti, pravnici, doktori, inženjeri sociolozi, psiholozi, tehničari svih struka, trgovci itd, itd.

Većina je njih direktno ili indirektno doprinijela današnjem izgledu i privrednoj ekspanziji naše sredine.

Ima nečega veličanstvenog u mentalitetu ljudi ovog područja – vole svoju tradiciju i ljubomorno je čuvaju i njeguju.

Samo jedan od primjera je tradicionalno obilježavanje Prvog maja. Kuriozitet ovog proslavljanja je što se u Jelahu Prvi maj obilježava DRUGOG MAJA.

Sada ga samo spominjemo, možda u nekom drugom osvrtu da opišemo sadržaj i progrogram proslavljanja. Navest ćemo samo da je već decenijama centar proslavljanja Prvog maja na Rastokama.

Namjenski se svake godine pravio improvizovani most za prelaz preko Usore da Rastoka.


Pri prelascima su se dešavale zgode i nezgode, ali uglavnom sa sretnim i vrlo zabavnim sadržajem, koji su se potom mjesecima, pa i godinama prepričavale.



Usora nije oduvijek tekla sadašnjim – usmjerenim koritom, nego jednim dijelom, tik ispod Klanca, a drugim dijelom, sa druge strane Rastoka.

Tamo je nekada bio mlin. Kraci su se spajali negdje nizvodno. Sada bi se to moglo locirati naspram Ciglane. Ispod je bila brana, a nizvodno od nje, sa desne strane bio je mlin.

Fabrički dimnjak ciglane-simbol Jelaha





Jelajah 2015. godine



**Jelaška raskrsnica iz pravca Doboj
- desno Prnjavor/ pravo Teslić**



Jelaška raskrsnica iz pravca Teslića - desno Tešanj/ pravo Doboj

Iz dostupnih podataka koje smo obrađivali je vidljivo da se broj stanovnika od 1992. godine stalno mijenjao, jer je u općini Tešanj u pojedinim periodima bilo prihvaćeno i smješteno blizu 15.000 izbjeglih i raseljenih osoba. Dio tog stanovništva se nije vratio u svoja prijeratna prebivališta, i danas je na ovim prostorima. Isto tako, dio domicilnog stanovništva je u ratnim godinama našao utočište u drugim zemljama, uglavnom na Zapadu, i tu se do danas zadržao. Preciznih podataka temeljenih na popisu stanovnika nema, ali se iz postojećih podataka i procjena sasvim pouzdano može zaključiti da su period od 1992. godine do danas obilježile u Tešnju izrazite demografske promjene.

Vode područja općine Tešanj predstavljaju slijedeći vodotoci:

- dio rijeke Bosne (koja teče istočnim rubom općine) u dužini od oko 4 km,

- rijeka Usora u dužini od oko 14 km, s tim da je u dužini od oko 5 km općina Tešanj dijeli sa općinom Usora.

Najduže i najveće pritoke rijeke Usore su rijeka Tešanjka, Trebačka rijeka, Radušica, Djedovački potok, Talin potok, Grgin potok, Golubovac i potok Lužanjka.

Može se reći da su, za sada, najviše iskorištene vode rijeke Usore gradnjom izvorišta za snabdijevanje vodom stanovništva i industrijskih pogona, te površinski zahvat u Crnom Vrh, na pritoci rijeke Tešanjke. Pored vodotoka, brojni su prirodni izvori pitke vode, kao što su: Guber u Jablanici, Ključ u Crnom vrhu, Izvor u Putešiću, Ježevac u Kaloševiću, Stubanje u Bobarama, Ponikva u Šijama, Studenac u Trepču i drugi.

Ribarska udruženja koja djeluju na rijeci Usori:

- SRD "Usora" Teslić
- USR „Blinker“ Kalošević-Tešanj
- UGSR „Jelah – Tešanj“
- SRD "Klen" Usora
- UGSR "Kulina" Doboj Jug

II - DRUGO POGLAVLJE

Udruženje građana sportskih ribolovaca „Jelah-Tešanj“ (UGSR „Jelah-Tešanj“)

Na području općine Tešanj registrovan je veliki broj raznih udruženja i društava. Među njima značajan je broj sportskih udruženja. Međutim, neka od njih su sama sebi svrha, a neka uporno rade i doprinose općem društvenom napretku. Neskromno je, ali činjenično potkrijepljeno, jedno od najrepzentativnijih u tom pogledu je Udruženja građana sportskih ribolovaca „Jelah-Tešanj“. Da bismo tu konstataciju opravdali, neophodno je, bar djelimično, prikazati razvojni put, kontinuitet djelovanja i rezultate našeg Udruženja.



Članovi Udruženja pri jednom od susreta



Pokretačka snaga Udruženja tokom niza godina

Zapamtila je Usora mnoga vremena. Neka bijahu lijepa, a neka i ne bijahu takva. Mnoge je usrećila, a ne može se reći da neke nije i unesrećila. Gazili su ju i ukroćivali. Međutim, ona je tekla svojom voljom i svojim tokom. Ta divlja i neukrotiva snaga je uvijek zahtijevala poštovanje i poštivanje njenih pravila. Spremna je na saradnju, ali nikako se neda ukrotiti, a još manje pokoriti.

Historijski gledano, ljudi su se nekada iskazivali kao ratnici kroz ratničke borbe. Danas borbe uglavnom nemaju takav karakter, ali imaju borbeni duh. Ispoljava se kroz sport. Ribarenje je jedan od tih sportova. Ribari su ratoborni ljudi. Bore se sa rijekom. Bore se sa njenim stanovnicima-ribama, sa njenim obalama i sa njenim valovima.

Sa rijekom se bore pravljenjem raznih ustava, brana i plovila. Sa ribama se bore nadmudrujući se međusobno. Ribari se između sebe bore kroz razna takmičenja.

Nekako u tom duhu stasavale su generacije stanovnika usorskog priobalja i okoline. Kada god se nametnula situacija, naizgled bezizlazna, stanovništvo se na samo njemu svojstven način znalo spasiti. I, ne samo to, iz tih teških situacija izvlačili su pouke, pa nalazili nova rješenja i podsticaje. Pokazali su to u ratovima davnim, a i ovom nedavno proteklom. Prežive ljudi teška vremena, pa se onda vrate svakodnevnici. Zažele se odmora i razonode. A gdje se može bolje odmoriti i razonoditi, nego pored vode? Prema pričanju nekih od

savremenika, vođeni tom idejom, neposredno po okončanju Drugog svjetskog rata formirano je udruženje ribara područja općine Tešanj.

Kako oduvijek, tako danas, a vjerovatno i ubuduće Usora teče svojim tokom, kroz Jelah, te je i većina članova bila iz Jelaha.

Udruženje djeluje u kontinuitetu od 1948. godine. Osnovano je na inicijativu radnika Ciglane, tada jedinog privrednog kolektiva u Jelahu. Iste godine je osnovan i fudbalski klub „Borac“, Kulturno umjetničko društvo i Vatrogasno društvo.

Pri jednom od susreta sa gospodinom Huseinom Hrnjićem, jednim od dugogodišnjih članova Udruženja i ujedno, jednim od bivših predsjednika Udruženja, dobili smo niz vrlo korisnih informacija. Među njima se posebno ističe redoslijed predsjednika Udruženja. Identične informacije sa malom dopunom nam je dao, također ribar, Džemal Ćeman. Doznali smo imena ljudi koji su prisustvovali sastanku na kojem je praktično osnovano Udruženje.


Sastanak je održan u Domu kulture, sala na prvom spratu. Prisutni su bili:

Aziz Kajganić-gostioničar, Hajrudin Ibrahimkadić-brico, Jusuf Subašić, Salih Hodžić, Ibrahim Meša, Ramo Kujundžić, Anto Bauman, Džemal Ćeman, Pejo Blažević, Murat Memagić, Nuriya Brka-Dišaga, Vasko Ćulafić, Stevo-moler iz Tešnja, Mešić Omer i još neki, čijih se imena ne sjećaju.


Pouzđano se ne može tvrditi redoslijed predsjednika Udruženja, ali iz prisjećanja savremenika može se zaključiti da su to, iz ranijeg peioda, bili: Aziz Kajganić-gostioničar, Boško Petrović-milicioner iz Jelaha i Ratko Đurić-građevinski tehničar iz Tešnja.

Prema pisanju Smaila Terzića – profesora i novinara iz Tešnja, u listu „Glas komuna“ iz 1978. godine se navodi da je ...“za predsjednika Društva ribolovaca ponovo izabran Mujo Đonlagić“. Navedni podatak govori da je Mujo Đonlagić na toj poziciji, već proveo jedan mandat. U početku su se ribarske dozvole vadile u Tesliću (Šumarija) i u Doboju.

Osamdesetih godina dvadesetog vijeka u rukovodstvu Udruženja su bili Hasib Beširević i Nusret Subašić. Blažević Filip je bio predsjednik Udruženja 1986. godine. Husein Hrnjić je kao predsjednik Udruženja proveo nekoliko mandata.



Aziz Kajganić



Čeman Džemal




Ahmet Lokić



Ibrahim Meša



Osman Gazić



Ratko Đurić



Anto Bauman



Nikola Mlinarević



Mujo Đonlagić

Dugogodišnji članova Udruženja



Husein Hrnjić-prvi sa lijeve strane/drugi red/

Mnogobrojne su akcije uspješno realizirane. Nakon toga su obilježavane, na način koji je bio najprikladniji, a i danas je - zajedničko sijelo. Pri tome su uručivane nagrade najuspješnijima.



Međusobno čestitanje (Nusret Subašić-stoji lijevo do vitrine)

Zahvaljujući ažurnosti pojedinih članova i rukovodnih struktura Udruženja sačuvan je dobar dio arhivske građe i dokumentacionog materijala koji smo koristili pri pravljenju ove monografije. Istina, ratne okolnosti su doprinijele da je dobar dio toga zagubljen, ili potpuno nestao. Međutim, iz raspoloživog dijela ćemo pokušati izvući najznačajnije detalje koji će prikazati razvojni put i kontinuitet djelovanja SRD „Jelah-Tešanj“.

Redni broj	Ime i Prezime	Polovina stana, ulazna broj	1976	1977	1978	1979
1	Borini Jovica	Resulje 71266	23000	23000		
2	Hrnjić Safet	Resulje 71266	23000	23000		
3	Samirbegović Muris	mon. 407 71260	23000	23000		
4	Bešlić Ibrahim	- - - 71260	23000	23000		
5	Habibović Bećko	Tešanj 71260	23000	23000		
6	Pećković T. Đorđe	Tešanj 71260	23000	23000		
7	Martinović Adnan	Tešanj 71270	23000	23000		
8	Mesić Alan	Albegović 71260	23000	23000		
9	Vuković Esad	Tešanj 71260	23000	23000		
10	Saher Adolf	Tešanj 71270	23000	23000		
11	Gornjić Jozo	Tešanj 71260	23000	23000		
12	Martinić Željko	Tešanj 71270	23000	23000		
13	Dragović Rado	Bardoci 71270	23000	23000		
14	Hasanović Fuad	Tešanj 71260	23000	23000		
15	Mesić Ibrahim	Tešanj 71260	23000	23000		
16	Deljanć Enver	Radusa 71260	23000	23000		
17	Kučanović Miroslav	Tešanj 71260	23000	23000		
18	Popović Nedžad	Tešanj 71270	23000	23000		
19	Jokić Muhamed	Tešanj 71260	23000	23000		
20	Mijać Jovica	Tešanj 71260	23000	23000		
21	Dobrićević Masar	Tešanj 71260	23000	23000		

Dio uredno vođene evidencije stalnih članova Udruženja iz perioda 1976. do 1979. godine

Iz kazivanja gospodina Hrnjića smo zaključili da je naše Udruženje, tokom svog bitisanja, u jednom periodu bilo i u sastavu tesličkog ribarskog udruženja. Nije se moglo dokučiti od kojeg do kojeg perioda je to bilo.

Da ne bismo učinili nepravdu prema ljudima koji su uredno vodili administrativne poslove spomenut ćemo neke od najažurnijih sekretara udruženja koji su dobrim dijelom radili i blagajničke poslove. Među njima su: Saltagić Hazim, Subašić Nusret, Ajanović Derviš-Dedo i Hujdur Muharem.

Na samom početku broj registrovanih članova je bio simboličan. Međutim, vremenom se on povećavao. U jednom periodu je dostigao i brojku 500. Formiranjem udruženja „Blinker“ u Kaloševiću, „Klen“ u općini Usora i „Kulina“ u općini Doboj Jug broj članova se znatno umanjio. Danas Udruženje broji 183 člana.

Raspoređeno po sekcijama to izgleda ovako:

Jelah-75; Tešanj-49; Tešanjka-41; Šije-10; Druge općine-8;

Arhivirani registri članova Udruženja govore o ozbiljnosti i tradiciji koja se ne može, niti smije zaboraviti. Čak šta više, nalaže nam obavezu slijeđenja te dobre prakse.

U poslijeratnom periodu, aprila 1995. godine, članovi udruženja Piknjač Nermin, Gopo Husein, Širbegović Hilmija, Ramić Ibrahim, Hujdur Muharem, Mešić Ibrahim i Memić Džemal su pokrenuli inicijativu oko oživljavanja rada udruženja te izvršili preregistraciju istog.

Započelo se sa organiziranim i planskim gazdovanjem ribarskih resursa. Na čelu Udruženja je bio Hilmija Širbegović, pa Nermin Piknjač.

Aktuelni predsjednik Upravnog odbora Udruženja je Vahid Festa. Zamjenik mu je Nermin Piknjač. Sekretar Udruženja je Mustajbašić Adnan. Na čelu ribočuvarske sekcije je Ragib Pilav. Takmičarskom komisijom rukovodi Karahodžić Sejad. On je tokom proteklih petnaestak godina vodio i blagajničke poslove. Sudijsku sekciju predvodi Memić Džemal. Ekološku sekciju predvodi Terzić Mehmedalija-Ali. Gopo Husein je veteran ovog našeg sporta, učesnik je mnogobrojnih takmičenja, u kojima je često bio i pobjednik.


U radu Upravnog odbora značajan doprinos daju i ostali članovi: Nermin Subašić, Kenan Širbegović, Bajro Alić i Mešić Juso.

Skupštinskim radom rukovodi Esad Hasaničević, a preuzeo ga je od prethodnog predsjednika Salke Subašića.




Registar članova Udruženja 2004/2005

Neupućeni promatrač bi se mogao upitati: Odakle iz ovako male sredine toliko brige, rada i uspjeha? Međutim, temeljitije sagledavanje tradicije i okolnosti će nam na to odgovoriti. Naime, jedan od ključnih faktora je, od samog početka svoga rada Udruženje posvećuje pažnju mladim kadrovima. Dokaz za to je i uredno vođena evidencija (Matična knjiga). Uredno uvedeni podaci nam pokazuju da se na ovom području odavno usmjerava pažnja na mlade i prije svega vlastite kadrove.



Registar mladih članova Udruženja od 1987. do 1992.



Registar članova Udruženja tokom perioda 1987/1991



Pogled na djelimično zaleđen tok Usore uzvodno od „Plinare“ na Kraševu (31.01.2017.)



Pogled na djelimično zaleđen tok Usore nizvodno od „Plinare“ na Kraševu (31.01.2017.)



Pogled na Usoru nizvodno od brane (02.03.2017.)

III - TREĆE POGLAVLJE

Sportske aktivnosti i rezultati

O okviru Udruženja se već decenijama organizira takmičenje po pojedinim kategorijama, a ono je u cilju ostvarenja plasmana za viši rang. Nagomilano iskustvo u organizovanju takmičenja, kao i sakupljeno sportsko znanje je rezultiralo zavidnim rezultatima. Uspjehe su bilježili pojedinci, a i ekipa.

Posebno značajni rezultati počinju od 2000. godine kada su se u ulovu ribe udicom na plovak za plasman borili 27 takmičara.

U seniorskoj kategoriji najbolji je bio Husein Gopo, drugo mjesto je pripalo Nerminu Piknjaču, a treći je bio Amer Travančić.

U juniorskoj kategoriji najbolji je bio Kenan Širbegović, od pionira najbolji je bio Aziz Brkić.

54

Dnevni avaz, četvrtak,
25. maj/svibanj 2000.

ribarski vikend



Muhović: Riba radi i na
Jablaničkom jezeru

Preporuka
stručnjaka
**Na Boračko
u lov na
šarana**

Sarajevski ribar Refik
Muhović za naredni
vikend preporučuje lov
šarana na Boračkom jeze-

Na Usori održano općinsko takmičenje **Pobjednici Husein Gopo, Kenan Širbegović i Aziz Brkić**

Udruženje sportskih
ribara u Jelahu, Općina
Tešanj, bilo je organiza-
tor općinskog takmičenja
udicom na plovak, na
kome je nastupilo 27
ribara.

U seniorskoj konku-
renciji najbolji je bio
Husein Gopo, drugo mje-
sto pripalo je Nerminu
Piknjaču, a na treće mje-
sto plasirao se Amer Tra-
vančić.

Kod juniora najbo-
lji je bio Kenan Širbe-
gović, dok je u konku-
renciji pionira pobije-



Sa takmičenja na Usori

dio Aziz Brkić.

Pobjednici su stekli
pravo učešća na kantona-

lnom takmičenju koje će
se održati 15. juna u
Zenici. H. B.

Od 2000. godine do 2004. godine je period administrativnog ustrojavanja federalnog i državnog sportsko-ribolovnog saveza u čemu je aktivno sudjelovalo i naše rukovodstvo (Ramić Ibrahim, Širbegović Hilmija, Piknjač Nermin, Karahodžić Sejad).

Organiziranje udruženjskih KUP takmičenja, pored sportskih aspekata, su imala za cilj ukazati na neophodnost uspostavljanja pokidanih sportskih veza ribolovaca Bosne i Hercegovine. Ubrzo se to pokazalo, kao mudar potez, jer su nakon toga uslijedili pozivi za nastupe na takmičenjima međunarodnog ranga.

Na jezeru Modrac, u okviru Lukavačkog sajma turizma, lova i ribolova 2003. godine održano je Prvo međunarodno takmičenje sportskih ribolovaca. Ribari SRD „Jelah-Tešanj“ su osvojili prvo mjesto, što je prvi značajniji uspjeh u međunarodnoj konkurenciji. Ovim uspjehom smo postali poznati u sportskim ribolovnim krugovima. Slobodno možemo reći da smo, kasnijim – novim uspjesima, značajno doprinijeli širenju pozitivne slike o općini Tešanj i Jelahu, mjestu osnivanja i djelovanja uspješnih ribolovaca.

Lukavački sajam turizma, lova i ribolova

Ribari iz Tešnja bez premca

Drugo mjesto osvojili brčanski, a treće tuzlanski ribolovci • Novinarska regata

LUKAVAC - Ribari iz tešanskog Udruženja Jelah pobjednici su na prvom međunarodnom takmičenju sportskih ribolovaca održanom na jezeru Modrac u okviru Lukavačkog sajma turizma, lova i ribolova. Oni su osvojili 10.911 bodova, ispred brčanskih ribolovaca iz društva Kečiga sa 9.953 bodova. Treći su ribolovci tuzlanske Slobode sa 7.743, dok su peto i šestu mjesto podijelili ribolovci Šarana iz Gunje (Hrvatska) i Smuda iz Lukavca.

Ribolovci iz Tešnja bili su najuspješniji i u pojedinačnoj konkurenciji. Prvo mjesto osvojio je njihov član Nermin Piknjač sa 4.610 bodova. Ragib Pilav je bio treći, dok je drugoplasirani Denis Burkanović iz brčanske Kečige.

Takmičenje ribara je prva sportsko-rekreaciona manifestacija održana na ovom sajmu. Osim ribolovaca, natjecali su se i kanu ka-



Pripreme za novinarsku regatu

jakaši - jednosjedi i dvosjedi na 200 i 500 metara.

Ekipni pobjednici među kadetima (muška i ženska konkurencija) su predstavnici Jajca sa 33,5 bodova, druga je Trebišnjica iz Trebinja - 26,5, potom Natron Maglaj sa 13,5 bodova...

Među juniorima i junioricama, ekipni pobjednik je Natron Maglaj sa 30 bodova, druga je ekipa Jajca -

26,5 i treća Trebišnjica iz Trebinja 13,5 bodova...

U seniorskoj konkurenciji najbolji su bili predstavnici Vala iz Doboja - 55, drugi Natron Maglaj - 51,5, treća Trebišnjica sa 37,5 bodova.

U pojedinačnoj konkurenciji najuspješniji je bio Nedžad Husukić sa dva prva mjesta, te pobjedom u dvosjedu sa Mehmedom Ibrakovićem. Prva mjesta

u pojedinačnoj konkurenciji osvojili su: Zlatan Alibajraktarević (Natron), Aleksandra Masleša (Trebinje), Elizabeta Šupuković (Maglaj), Jelena Kovačević (Trebinje), Nihad Pašendić, Semir Memišević i Ivan Šupuković (Maglaj), Srđan Joskić i Masleša Pantović (Trebinje), Dabi-bor Božić (Val - Dobo)...

Održan je i susret podvodnih ribolovaca, a na sajamskom platou i promocija Domaći proizvodi u službi turizma i ugostiteljstva FBiH, gdje je govorio Imšir Imširović, predsjednik Kantonalne komore Tuzla.

Na jezeru Modrac održana je i novinarska regata Modrac 2003. Načelnik Lukavca Izudin Čeliković i predsjednik Turističkog saveza TK Almazaga Čato- vić održali su prigodne besjede o perspektivi turizma u Lukavcu.

Sajam se nastavlja danas V. J.

U Bužimu je 2004. godine je organizovano državno ekipno prvenstvo BiH. Tada smo prvi put postali klupski državni prvaci. Takmičili su se: Piknjač Nermin, Travančić Amer, Širbegović Kenan, Mustajbašić Adnan, Pilav Ragib i Hujdur Samir. Uz ekipu su bili: Karahodžić Sejad, Gopo Husein, Hasanbašić Suad, Memić Džemal i Širbegović Hilmija.

Kao prvaci BiH nastupili smo na Svjetskom takmičenju u lovu ribe udicom na plovak u španskom gradu Toledu. Uz otežane okolnosti organizacije puta i značajan finansijski trošak za takmičare, koji su uticali na sastav ekipe, a potom i na rezultate, zauzeli smo solidno 20. mjesto, od 25 svjetski poznatih ekipa. Taj plasman su obezbijedili: Piknjač Nermin, Mustajbašić Adnan, Širbegović Kenan, Travančić Amer i Hujdur Samir.

Uobziri li se rang takmičenja, na tom uspjehu se može samo čestitati, jer trebalo je prije svega, obezbijediti priliku za nastup, a potom izboriti plasman. Bosnu i Hercegovinu su predstavljali: Nermin Piknjač, Kenan Širbegović, Ragib Pilav, Amer Travančić („Jelah-Tešanj“), a pojačani su sa renomiranim ribarima Mirsadom Bogilovićem (Sarajevo) i Nihadom Buljubašićem (Srebrenik).

Osim takmičara u Španiji su boravili i: Hilmija Širbegović (trener), Suad Hasanbašić, Husein Gopo, Sejad Karahodžić i Šemsudin Mandžukić.

TEŠANJ: Tešanjski ribolovci uspješno nastupili na Svjetskom prvenstvu

Španija ostaje da se pamti

Sportski ribolovci Tešnja iz JRD „Jelah“ uspješno su okončali nastup na Svjetskom prvenstvu, koje je održano protekle sedmice u španskom gradu Toledu. BiH su predstavljali Nermin Piknjač, Kenan Širbegović, Ragib Pilav, Amer Travančić (Tešanj-Jelah), a pojačali su se sa proverenim ribarima Mirsadom Bogilovićem iz Sarajeva i Nihadom Buljubašićem iz Srebrenika. Osim takmičara u Španiji su boravili trener Hilmija Širbegović, Suad Hasanbašić, te članovi udruženja Husein Gopo, Sejad Karahodžić i Šemsudin Mandžukić, koji su ekipu pratili na prethodnim takmičenjima. Dvadeseto mjesto među 25 učesnika svjetskog prvenstva za nekoga može izgledati skromno.

Treba podsjetiti da smo na put (zbog čekanja na odobrenje viza) krenuli sa tri dana zakašnjenja, zbog čega nismo mogli održati treninge i upoznat sazi, kaže Hilmija Širbegović.

Ipak zadovoljni smo jer je ovo najbolji plasman naše zemlje na jednom svjetskom prvenstvu, a razlike u poeni između ekipa iz prve trojke i nas su ustina male.

Uz malo više sreće, mogli smo načiniti podvig, kaže Suad Hasanbašić.

S. B.H.B.



Ekipa tešanjskih ribara

Treba napomenuti da je Udruženju od svog osnivanja, već sedamdesetih godina prošlog stoljeća, u kontinuitetu organizovalo takmičenja na nivou Udruženja. Na taj način su se izdvajali pojedinci, koji su obezbjeđivali učešće na takmičenjima, tada republičkog i državnog nivoa.

Ovdje neizostavno moramo spomenuti takmičarku Lejlu Ramić, koja je u ženskoj konkurenciji ostvarila niz zapaženih rezultata.

Uz podršku rukovodstva Udruženja koja je podignuta na viši nivo, sa sakupljenim iskustvom u organizaciji i pri nastupima na takmičenjima, uslijedili su zaista impresivni rezultati.



Ribarska takmičarska staza u Jelahu (lijeva obala)

U okviru održavanja manifestacije „Jelaško ljeto“ 2005. godine je održano međunarodno takmičenje u ulovu ribe udicom na plovak.

U ekipnoj konkurenciji prvo mjesto je pripalo SRD „Klen“ iz Kozarske Dubice, drugo mjesto „Sarajevo 1906“ iz Sarajeva, a treće USR „Kečiga“ iz Brčko Distrikta.

Među pojedincima najuspješniji je bio Ragib Pilav iz SRD „Jelah-Tešanj“, drugi je bio Samir Čaušević iz SRD „Klen“ Kozarska Dubica, a treći Adnan Mustajbašić iz SRD „Jelah-Tešanj“.

Kuriozitet ovog takmičenja je bio da je sva ulovljena riba nakon vaganja vraćena u rijeku.

36

Dnevni avaz, nedjelja
4. septembra 2005.

AVAZ nedjeljom
HOBBY


Na Usori održano takmičenje ljubitelja pecanja

Nakon vaganja, sva ulovljena riba je vraćena u rijeku

Najuspješniji Ragib Pilav, dok je u ekipnoj konkurenciji prvo mjesto pripalo SRD „Klen“

U sklopu zatvaranja kulturno-sportske manifestacije „Jelaško ljeto“, na rijeci Usori u Tešnju održano je takmičenje u lovu ribe udicom na plovak. Uz domaćina Sportsko ribolovno društvo „Jelaš“, na takmičenju su učestvovali i ribari iz Orašja, Kroke, Teslića, Sarajeva, Građevca, Maglaja, Zepča, Kaloševica, Brčko Distrikta, Banje Luke, Kozarske Dubice te iz Gunje i Vukovara, iz Hrvatske.

• Zadovoljni smo i vreme-



Ribarima je išlo naruku i lijepo vrijeme



Pobjednička ekipa SRD „Klen“ iz Kozarske Dubice

Asmir Mehčić, eko-ribolovac

Asmir Mehčić, član SRD „Usora“ iz Teslića, ulovio je najmanje ribe, a za to je dobio medalju eko-ribolovca.

nom i odzivom. Riba dobro grize. Nema nikakvih problema, jer se radi o ekipama koje učestvuju na najjačim natjecanjima u Bosni i Hercegovini i regionu - kažu predsjednik „Jelaša“ Hilmija Širbegović i glavni sudija Džemal Memić.

U ekipnoj konkurenciji prvo mjesto pripalo je SRD „Klen“ iz Kozarske Dubice, druga je bila ekipa „Sarajevo 1996“, a treći USR „Kečiga“ iz Brčko Distrikta.

Među pojedincima najviše je pokazao domaćin Ragib Pilav. Drugo mjesto zauzeo je Samir Čaušević iz Kozarske Dubice, a treće Adnan Mustajbalić iz „Jelaša“ iz Tešnja.

Nakon zvaničnog vaganja, sav ulov je vraćen u rijeku. M. Č.



Zauzimanje pozicija-KUP "Jelaško ljeto" 2007

Međunarodna sportsko ribolovna asocijacija je 2006. godine dodijelila SRS BiH organizaciju Svjetskog prvenstva u lovu ribe udicom na plovak, a koje se održavalo 2007. godine. Mjesto održavanja takmičenja – takmičarska staza je bilo Kara Otok (Hutovo Blato) kod Čapljine.

Ovo je bila jedinstvena prilika za postizanje značajnijeg sportskog rezultata. Sačinjen je plan treningana na navedenoj stazi, koji je podrazumijevao dugotrajni boravak.

Obzirom na nedostatak sredstava za plaćanje prenoćišta postavljena je kamp kućica sa nekoliko šatora što je za takmičare i rukovodstvo predstavljalo svojevrsni trening kamp.

U tom momentu, naš tim još nije bio izborio plasman na Svjetsko prvenstvo, ali je jasno da smo poduzeli sve što je bilo u našoj moći da ga, kroz takmičenje u okviru 1. lige BiH i ostvarimo.

Ništa nije prepušteno slučaju. Mamci su nabavljani iz Ukrajine, a takmičarska hrana u Srbiji, Hrvatskoj, Mađarskoj i BiH.

Ranije uspostavljena sportska prijateljstva su nam olakšala nabavku i bitno smanjila troškove.

Uspjeli smo. Po drugi put smo postali ekipni prvaci BiH i rezultatom stekli pravo predstavljanja Bosne i Hercegovine na Svjetskom klupskom prvenstvu u Hutovom Blatu. Proradio nam je adrenalin, a sa tim u vezi porasle i ambicije. Još intenzivnije smo se posvetili treninzima. Spremno smo dočekali početak takmičenja. Nakon prvog dana smo bili jako blizu prvoplasiranim ekipama, što nam je još više pojačalo ambicije, ali podiglo i pozitivnu nervozu u ekipi.

Na kraju drugog dana smo zauzeli izvanredno 4. mjesto.

Zbog tog uspjeha smo, od strane Sportskog saveza BiH, pri proglašavanju Sportiste godine, nagrađeni kao NAJUSPJEŠNIJA SPORTSKA EKIPA U BiH 2007. GODINE.

Ovo je najveće priznanje za naše udruženje u cijeloj istoriji djelovanja. Naravno, ovo nam je dalo novi podstrek za dalji rad.

Pokrenuta je „Škola malog ribolova“ za mlađe kategorije, pokrenuta inicijativa za formiranje takmičarske staze na rijeci Usori, te smo se dodatno dodatno angažovali na polju ekologije.



Osvojeno 1. mjesto na kupu „Sarajevo 2007“



**SRD „Jelah-Tešanj“ /Najuspješnija muška ekipa/
-Izbor za Sportistu godine BiH 2007. godine**



**Sportista godine BiH 2007. godine
SRD „Jelah-Tešanj“ /Najuspješnija muška ekipa/**

Slijedeće, 2008. godine smo nastupili na Svjetskom prvenstvu u Francuskoj – grad Niort. Nastup je bio nagrada SRS BiH za postignuti uspjeh iz Hutovog blata. Nismo postigli značajniji rezultat. Prvaci BiH ponovo postajemo 2010. godine što nam je omogućilo nastup na Svjetskom prvenstvu u Srbiji – grad Golubac 2011. godine. Iako su očekivanja bila daleko već, osvojili smo skromno 19. mjesto.



Plaketa za doprinos u razvoju sportsko-rekreativnog ribolova Ze-Do kantona (2010. godine)

Za postignute rezultate i doprinos u razvoju sportsko-rekreativnog ribolova 2010. godine Savez Sportsko ribolovnih društava Zeničko-dobojskog kantona je SRD „Jelah-Tešanj“ dodijelilo Plaketu, a 2011. godine Sportsko ribolovni savez Federacije Bosne i Hercegovine Diplomu.



Diploma Sportsko ribolovnog saveza Federacije Bosne i Hercegovine



Ekipni prvaci BiH-2011

-Prvi red sa desne strane:

Pilav Ragib, Karahodžić Sejad, Mustajbašić Adnan i Gopo Husein

-Drugi red sa desne strane:

Travančić Amer, Širbegović Kenan i Pknjač Nermin



Dio osvojenih pehara sa takmičenja u BiH i izvan njenih granica



Dio osvojenih pehara sa takmičenja u BiH i izvan njenih granica



Dio osvojenih pehara sa takmičenja u BiH i izvan njenih granica



Učesnici na „7. jadransko podunavskom kupu“ u Ohridu 2012.godine

Na KUP takmičenju jadransko podunavskih zemalja u Makedoniji – grad Ohrid nastupili smo 2012. godine. Osvojili smo 4. mjesto. Splet nesretnih okolnosti i samouvjerenost cijelog tima koštala nas je boljeg plasmana. Naime, nakon prvog takmičarskog dana smo bili prvi, tako da je četvrto mjesto na kraju takmičenja ocijenjeno neuspjehom.



**Zahvalnica za uspješnu saradnju sa Udrženjem ribolovaca
Labuništa-Struga /Makedonija/ 2012. godina**

SRD „Jelah-Tešanj“ ostvaruje uspješnu saradnju sa sportskim društvima kako u Bosni i Hercegovini tako i izvan njenih granica. Kao potvrda navedenom je zahvalnica ribolovnog udruženja „Crn Drim“ iz Labuništa u Makedoniji.




KUP „Jelaško ljeto“- 2013



KUP "Jelaško ljeto"-2013

Godina 2013. je obilježena nastupom našeg takmičara Gopo Huseina. Kao član veteranske reprezentacije BiH, na Svjetskom prvenstvu u Hutovom Blatu, pojedinačno je osvojio srebrenu medalju, a ekipno i bronzanu. Zbog tih uspjeha nagrađen je posebnim priznanjem Sportskog saveza BiH.



Gopo Husein prilikom dodjele pobjedničkog pehara

Iste godine, naš tim osvaja ekipnu ligu BiH i po četvrti put postaje prvak BiH.



Ekipni prvaci BiH -2013

(Sa lijeva na desno: Mustajbašić Adnan; Piknjač Nermin; Karahodžić Sejad; Pilav Ragib)

Bez značajnijeg uspjeha naša ekipa je nastupila na Svjetskom prvenstvu u Sloveniji – grad Radeče 2014. godine.

Ponovno smo se uvjerali da je za značajniji rezultat potrebno više treninga i ozbiljniji organizacioni pristup.

U ovoj godini smo također postali prvaci BiH.

U 2015. godini smo nastupili na Svjetskom prvenstvu u Slovačkoj – grad Žilina. Staza je postavljena na rijeci Vah. Izuzetno je brza i nastanjena je sa škobaljem kao glavnom ribom. Naša ekipa se složila da nam takmičarski uslovi odgovaraju. Na treninzima se pokazalo da možemo računati na značajniji takmičarski rezultat.

Zbog velikog nevremena, takmičenje je prvog dana prekinuto nakon 2 sata ribolova. Nakon tih polovičnih rezultata (takmičenje regularno traje 4 sata) zauzeli smo 8. mjesto. Nažalost, tim nam je hendikepiran, jer je naš najbolji natjecatelj Piknjač, po internom pravilniku ustupio mjesto rezervnom natjecatelju za drugi dan natjecanja. Ipak, na kraju drugog dana osvojili smo odlično 6. mjesto, što je drugi rezultat po značaju u istoriji našeg udruženja.

Zabilježeno je da su Kenan Širbegović i Ragib Pilav osvojili prva sektorska mjesta, te Kenan i Vahid Festa 3. sektorska mjesta, što je na takmičenjima svjetskog ranga izvanredan uspjeh.

Ekipno prvenstvo BiH smo osvojili u 2015. godini i na bazi tog rezultata nastupili smo na Svjetskom prvenstvu 2016. godine koje je održavano u mjestu Ostelato – Italija.

Nakon što je ekipa 2016. godine po 7. put osvojila 1. mjesto u Bosni i Hercegovini u disciplini „Lov ribe udicom na plovak“ ostvarila je pravo učešća na Svjetskom prvenstvu 2017. godine koje se održavalo u Saint Quentinu – Francuska. Moramo priznati da pri ovim nastupima nismo ostvarili značajniji rezultat. Međutim, ekipa je imala zapažen rezultat u KUP-u Bosne i Hercegovine. Osvajanjem 2. mjesta se kvalifikovala za KUP jadransko-podunavskih zemalja 2017. godine koje se održavao u Podgorici – Crna Gora.

Novinski natpisi, mnogobrojne zahvalnice, diplome, plakete, pehari i druge vrste priznanja govore o uspješnom nastupanju, saradnji i afirmaciji sportsko rekreativnog ribolova na nivou države, a i u međunarodnim okvirima.



1.mjesto/sekcija A-KUP "Jelaško ljeto"2015



1.mjesto/ ekipno - "Jelaško ljeto"2015

(Sa desna na lijevo čuče: Travančić Amer i Karahodžić Sejad.
stoje: Memić Džemal, Zeničanin Ismet, Pilav Ragib, Festa Vahid i Širbegović Kenan)

DNEVNIK TAKMIČENJA

SRS F. BiH

UGSR Jelah-Tešanj

U ULOVU RIBE UDICOM NA PLOVAK - kategorija: SENIORI

TAKMIČENJE: KUP JELAŠKO LJETO, održano u JELAHU 27.08.2016 godine

Redni Broj	PREZIME I IME	Ekipa	PRVI DAN - KOLO			
			SEKTOR	START. BROJ	Poena	Plasman
1	MARKOVIĆ MDO	ŠARAN GUNDA	A	16	170	16
2	BISEKOVIC NEHIN		B	13	530	9
3	OMEROVIC ELWIR		C	4	570	13
	EKIPNO SVEGA					38
1	PIKAN RAGIB	SPD JELAH - TEŠANJ	A	15	300	15
2	PIKANJAC NEHIN		B	6	360	10
3	MUNTAPAJIC ANAN		C	11	1250	6
	EKIPNO SVEGA					31
1	SEIMOVIC HAJIM	UKRINSKI CUDET PRNJAVOR	A	9	430	13
2	STAKIC BORISAV		B	15	1540	2
3	TRAPAJKO SLAVKO		C	3	1780	1
	EKIPNO SVEGA					16
1	KRISTOFIC BRANKO	MLADICA HRVATSKA DUBICA	A	8	860	7
2	STANIJEK VELJAR		B	2	260	13
3	RIPARIC JOSIP		C	12	890	10
	EKIPNO SVEGA					30
1	JAKIC DRAGO	MRENA ŽIVINICE	A	7	520	11
2	AMETDJEVIC AMIR		B	11	950	6
3	RAMIC MIRZA		C	4	860	12
	EKIPNO SVEGA					29
1	TURE EPITIDAN	OPŢK OSIDJIC	A	1	1330	3
2	HERNANDONIC JOSIP		B	7	300	10,5
3	PACIC KRESIMIR		C	13	700	16
	EKIPNO SVEGA					29,5
1	MISICENOVIC BODAN	SPD KIPAN KOZAR. DUBICA	A	14	480	12
2	VUKICOVIC DAVOR		B	10	910	7
3	MIROSLAV NIKOLAI		C	6	1060	8
	EKIPNO SVEGA					27
1	PETRICENIC TITONIR	USK KEČIGA BEČKO	A	3	570	9
2	STANOVIĆ MEHMANIR		B	9	1290	4
3	TRUPKALONIC DEMIS		C	15	1330	5
	EKIPNO SVEGA					18
1	MISTOROVIC ENDE	AMIR GRADIŠKA	A	10	1380	2
2	VIKOVIC OSTOJA		B	4	150	14
3	MACEIC MIROSLAV		C	16	1150	7
	EKIPNO SVEGA					23

SEKRETAR TAKMIČENJA

DELEGAT

Uredno vođenje dokumentacije takmičenja



Nije 1. mjesto uvijek samo za domaćina


Kada se u drugarskom nadmetanju, u fer i korektnoj utakmici osvoji prvo mjesto, onda je to za svaku pohvalu i čestitanje. To takmičari iz SRD „Jelah-Tešanj znaju dostojanstveno priznati i nagraditi.



Druženje i prijateljski susreti su najvažniji



Drugarski zagrljaj nakon takmičenja



Detalji sa vaganja ulova



Pogled na jezero "Jelen"



Pobjednici udruženjskog takmičenja 2017

(Nermin Piknjač-prvo mjesto; Travančić Amer-drugo mjesto; Pilav Ragib-treće mjesto)



Detalj sa uručivanja medalja za postignute rezultate na udruženjskom takmičenju 2017. godine
(Predsjednik Skupštine Udruženja dr Esad Hasanićević uručuje medalje za osvojena mjesta)

Nižući uspjehe tokom višegodišnjih nastupa UGSR „Jelah Tešanj“ je zabilježilo još jedan, a on je u obliku osvojenog Prvenstva Federacije BiH 2017. godine u disciplini Lov ribe udicom na plovak.

Uz to je i osvajač Kupa Federacije BiH 2017. godine.

Takmicenje je održano na stazi Lađenica u Sarajevu 06. i 07. maja 2017. godine.

Značajno je istaći da su u takmičenju učestvovala dvije ekipe, jedna za Prvenstvo (Nermin Piknjač, Adnan Mustajbašić i Vahid Festa), a druga za Kup (Ragib Pilav, Kenan Širbegović i Amer Travančić).

Adnan Mustajbašić u pojedinačnoj konkurenciji je osvojio bronzanu medalju. Rezultati govore o ozbiljnom i veoma utreniranom timu.

Kako bismo ilustrovali koliko truda treba uložiti, uz izdvajanje veoma značajnih materijalnih sredstava, da bi se nastupilo na jednom svjetskom prvenstvu, navest ćemo nekoliko podataka sa 61. svjetskog takmičenja u Lovu ribe udicom na plovak u Međimurju (Hrvatska), koje je održano 13. i 14. septembra 2014. godine na odvodnom kanalu Hidroelektrane Dubrava na potezu Sveta Marija – Donja Dubrava u pet sektora.

Nastupilo je oko 40 reprezentacija svijeta te u dane natjecanja ukupno je bilo uključeno 500 – 600 ljudi, uz prisustvo nekoliko hiljada gostiju. Jednu reprezentaciju čini pet članova, a svaki pojedinac od njih ima opremu u vrijednosti od oko 10000 eura. Pomnožimo li 40 reprezentacija sa pet članova i vrijednost opreme svakoga od njih dolazimo do dva miliona eura. Veliki je to pritisak na članove reprezentacije da, pored takmičenja i želje za što boljim plasmanom, maksimalno oprezno čuvaju svoju opremu.

Na svijetu ima oko 250 miliona ribara i ovaj sport je ogroman biznis. Ribolov u našim okvirima spada u „male sportove“ (iako takvi ne postoje) koji možda ne izazivaju veliko zanimanje publike, ali ove brojke trebale bi biti poziv djelatnostima i ljudima koji mogu iskoristiti ovaj sport u turističke svrhe.

Jedna od posebnih, a veoma značajnih aktivnosti našeg Udruženja je posvećenost mladim kadrovima. Naime, već duži niz godina, Udruženje uz pomoć općine Tešanj, sa uspjehom održava „Malu školu ribolova“. Kroz upoznavanje sa sportskom disciplinom, uslovima ribolova i razna takmičenja u vezi sa ribolovom, mladi se sistematično pripremaju za preuzimanje u naslijeđe, već stečenog i renomiranog statusa našeg Udruženja.

Takmičari uzrasta od 6 do 13 godina su u jednoj kategoriji, oni od 13 do 18 godina u drugoj.

Obuku je pohađalo i uspješno završilo nekoliko desetina polaznika. Svim polaznicima obezbjeđeni su štapovi u trajno vlasništvo, sitni pribor, nakrma i živi mamci.

Svim polaznicima uručene su diplome o završenoj obuci a za najuspješnije na takmičenju pored diploma i medalja dodjeljene su i vrijedne nagrade.

IV - ČETVRTO POGLAVLJE

Ekološke akcije u cilju smanjivanja štetnih uticaja na biljni i životinjski svijet vodotoka i priobalja

Prve pojave organiziranog zastupanja zaštite okoliša možemo sresti još krajem 19. stoljeća, ali pravi razvoj ekološkog pokreta kao i civilnog društva općenito nastaje od kraja Drugog svjetskog rata. Ekološka osviještenost je buknula 60-tih godina prošlog vijeka, a ekološki pokreti mijenjali su vremenom teme i način djelovanja.

Prvu generaciju ekoloških aktivista zanimala je zaštita divljeg života i prirodnih staništa, erozija tla i lokalno zagađenje.

Drugu generaciju (od 60-ih godina do kraja 70-ih godina prošlog stoljeća) zatiče rast stanovništva, razvoj tehnologije, smanjenje prirodnih resursa i povećanje zagađenja.

Treća generacija (od 80-ih godina prošlog stoljeća do danas) prelazi u globalni pokret i svoje djelovanje usmjerava na teme poput kiselih kiša, oštećenja ozonskog omotača, povlačenje prašuma, promjena klime, gubitak biološke raznolikosti, te GMO-a (genetički modificirani organizmi).

Prva generacija zastupa stav kako divlju prirodu treba zaštititi od svakog oblika razvoja i sačuvati netaknutom. Najpoznatiji predstavnici ove skupine su Sierra Club i National Audubon Society iz SAD-a, National Trust i Royal Society for the Protection of Birds iz Velike Britanije te Naturschutzbund Deutschland (NABU) i BUND iz Njemačke.

Drugu generaciju mnogo više karakteriziraju problemi pretjerane potrošnje, odnosno problemi koji proizlaze iz samog i potrošačkog mentaliteta modernih društava. Pokret u to vrijeme doživljava veliko zanimanje i uključivanje javnosti te počinje poprimati oblike masovnog i organiziranog aktivističkog pokreta. Najpoznatije protestne organizacije stvorene u to doba su Greenpeace i Friend of the Earth (FoEI).

Treća generacija obilježena je izlaskom na površinu globalnih ekoloških problema kao što su klimatske promjene, GMO, a njihovo rješavanje nije moguće djelovanjem samo u sklopu pojedinih država. Tradicionalni koncept (ne u mojem dvorištu), sve se više zamjenjuje s konceptom (ne na planeti Zemlji) ili (ne u bilo čijem dvorištu).

Najmlađu generaciju karakterizira izražena svijest o globalnim problemima, a i do danas neviđena globalna saradnja i solidarnost. Iako u prvi mah čišćenje jedne male rijeke u Bosni nije veliki poduhvat, takve aktivnosti imaju planetarni značaj. Vraćaju nam dio ambijenta za normalan i biološki opstanak.

Članovi SRD „Jelah-Tešanj“ već dugi niz godina organizirano izvode akcije čišćenja korita rijeke, obala i priobalja. Za „**Svjetski dan voda**“ te aktivnosti se dodatno intenziviraju.

Svjetski dan voda se obilježava svake godine 22. marta.

Prve važne preporuke o problemima vezanim za vodu i vodne resurse bile su formulisane na konferenciji Ujedinjenih naroda o vodama koja je održana 1977. godine u Mar del Plati (Argentina). Nakon konferencije Ujedinjenih naroda o okolišu i razvoju u Rio de Janeirou, Generalna skupština UN je rezolucijom od 22. februara 1993. odlučila da se 22. mart svake godine obilježi kao Svjetski dan voda i da se na taj dan, širom svijeta, posebno skrene pažnja na probleme vezane za vodu i vodne resurse, s tim da se svake godine obilježava uz drugi moto. Tako je npr. 1995. godine obilježen pod motom: "Žene i voda", 2004. godine: "Voda i katastrofe", a 2007. godine: "Kako se nositi s oskudicom". Svakog dana prosječno domaćinstvo potroši oko 50 litara vode na ispiranje wc-a, jedan od šest ljudi na Zemlji nema dnevnih 20-50 litara osigurane svježe vode, a svakodnevno od posljedica nedostatka vode u svijetu umire 3.800 djece. Prema procjenama čak 1,1 milijarda ljudi nema pristup pitkoj vodi, a 2,4 milijarde živi bez osnovnih sanitarnih uslova.

Već decenijama na našim prostorima se nemilosrdno atakuje na vodu i vodne resurse. Ugrožava se biljni i životinjski svijet, a sa time u vezi dovodi se u pitanje i ljudska egzistencija. Nestaje pitka voda. Ugrožavaju se izvorišta.

Zato su članovi SRD „Jelah-Tešanj“ pored apelima i praktičnim potezima, o kojima i slike govore, počeli primjerom ukazivati na mogućnosti i način poboljšanja životnog okruženja.



Svjetski dan voda



SRD "Jelah" Tešanj obilježava Svjetski dan voda organizovanjem ekoloških akcija prikupljanja otpada na obalama rijeka Usora i Bosna.

**Ribarska staza Jelah, brana Kraševo, 5+ Šije.
nedjelja 19.mart 2016. u 10.00h!**

Cilj organizovanja akcije je izgradnja ekološke svijesti sportskih ribolovaca i naglašavanje značaja voda kao neprocjenjivog prirodnog resursa!

Pozivamo sportske ribolovce i druge građane da se priključe ekološkoj akciji.

ZA ČISTE VODE I ZDRAVU ŽIVOTNU SREDINU!

Plakat-Poziv za obilježavanje Svjetskog dana voda

Za sada, ne možemo se pohvaliti velikim rezultatima naših napora. Međutim, svaki novopridošli član i učesnik akcija čišćenja ili uređenja okoliša je dokaz pozitivne reakcije na naše apele.

Ovogodišnja aktivnost sa naše strane je dodatno intenzivirana, uz očekivanje boljeg i masovnijeg odgovora.

**SPORTSKO RIBOLOVNO DRUŠTVO
JELAH- TEŠANJ**

Ul. Titova bb, tel/fax 032/666-667



Broj: 23 /17
Jelah: 20.02.2017.god.

Na osnovu čl. 29. i čl. 30. Statuta te člana 22. stav 1 Poslovnika o radu UO SRD „JELAH-TEŠANJ“, Upravni odbor na svom zasjedanju dana 20.02.2017.godine, donosi.-

ODLUKA

O obilježavanju Svjetskog dana voda

I

Povodom obilježavanja Svjetskog dana voda (22.mart), Upravni odbor donosi Odluku sprovođenju eko akcije skupljanja otpada na obalama rijeke Usore i Bosne.

II

Eko akcija će se održati dana 19.marta 2017.godine na lokacijama i to:

- Ribarska staza u Jelhu,
- Ribarska staza u Kraševu i
- 5+ u Šijama.

Sa početkom u 10,00 sati.

III

Putem medija i fb profila kao i plakatama pozvati sportske ribolovce i građane da se odazovu akciji.

IV

Za realizaciju akcije zadužena Komisija za ekologiju SRD „Jelah-Tešanj“

V

Potrebna finansijska sredstva realizovati putem blagajne

Dostavljeno:

- Eko sekcija
- Blagajna
- a/a

Predsjednik SRD
Vahid Festa

Upravni odbor na čelu sa Vahidom Festom je donio Odluku o obilježavanju Svetskog dana voda na lokacijama:

- Ribarska staza u Jelahu
- Ribarska staza u Kraševu i
- kod „5+“ u Šijama.

Nosilac aktivnosti je Ekološka sekcija sa predsjednikom Terzić Mehmedalijom, zvanim Ali

Sadržaj aktivnosti je u smislu čišćenja dostupnog dijela vodotoka i priobalja rijeka Usore i Bosne.

Putem općinskih službi, direktora gravitirajućih osnovnih škola, Komunalnog javnog preduzeća „Rad“ iz Tešnja, kao i nekoliko privrednika, dobrim dijelom je obezbijeđena logistička podrška za ovu akciju. Učesnicima, a prvenstveno se radi o učenicima, su obezbijeđeni zaštitne rukavice, alat, hrana i piće.



Detalj sa uređivanja obale

Svako smanjivanje i zaustavljanje neadekvatnog, nekontrolisanog i nedozvoljenog odlaganja otpadnog materijala u vodotoke i neposrednu okolinu je zajednički uspjeh.

Pored ugodnog, imat ćemo i zdraviji ambijent.
Ribolovci SRD „Jelah-Tešanj“ su se u skladu sa svjetskim trendom, već na samom početku ekološke bitke za zdraviju životnu sredinu uključili i pokazali primjerom kako se to radi.



Detalj sa uređivanja vodotoka



Detalj odvoza otpada

Naravno, nije ostalo nezapaženo. O tome govore i novinski članci. Aktivnosti na tom planu su, može se slobodno reći, već tradicionalne, a intenzivirane su nakon završetka rata 1992/1995.

Među posebno istaknutim pojedincima iz ranijih akcija koji su prepoznati i nagrađeni bili su: Ibrahim Ramić, Ragib Pilav, Jusuf Čabrić, Razija Isić, Husein Gopo, Adnan Mustajbašić, Amer Travančić, Kenan Širbegović i Samir Hujdur.



Nagrađeni sportski ribolovci iz Jelaha i Tešnja

Neumorni čuvari Usore

JELAH - Članovi Sportsko-ribolovnog društva Tešanj - Jelah organizovali su brojne akcije čišćenja obala i korita rijeke Usore.

Među 172 člana, koliko broji Sportsko-ribolovno društvo Tešanj - Jelah, neki su ipak prednjačili u tim akcijama. Na posljednjoj sjednici

Skupštine ovog društva svima je odata priznanje, a nagrađeni su Ibrahim Ramić, Ragib Pilav, Jusuf Čabrić, Razija Isić, Husein Gopo, Adnan Mustajbašić, Amer Travančić, Nermir Puknjač, Kenan Širbegović i Samir Hujdur.

Tekst i foto: M. ALDOBAŠIĆ

Novinski članak iz „Dnevnog avaza“ -1998. godina

V - PETO POGLAVJE

Stanje vodotoka kroz vrijeme

Sa sjetom se stariji članovi Udruženja sjećaju vremena kada su na Usori i njenim pritokama postojali mlinovi. Oni su imali svoj ekonomski, ali ne mali i društveni značaj. Bili su tvornice za mljevenje žitarica. Ujedno su bili i mjesta za okupljanje, razmjenu roba i mišljenja, a Boga mi i za sklapanje poznanstava, pa i mnogih brakova. Nekada ih je bilo u izobilju, a danas su rijetke čak i njihove fotografije.



Jedan od rijetkih - Mevića mlin u Kaloševiću /snimljen pred rat 1992. godine/

Mevića mlin je dugo odolijevao vremenu, ali je ipak, kao i bezbroj drugih, otišao u nepovrat.


Na dijelu vodotoka Usore od Kaloševića nizvodno bili su:

- Mevića mlin,
- Žižin mlin,
- Kujundžin mlin,
- Begov mlin,
- Tomića (Mandića) mlin,
- Starčevića (Hanin) mlin,
- Hodžin mlin,
- Džakulin mlin,
- Svalinov mlin,
- Kaserov mlin,
- Grgića mlin i još mnogi kojih se u ovom trenutku ne možemo sjetiti.

Vodeni tok je usporavan i usmjeravan prema potrebama, na jednu ili drugu stranu obale. Cijelim tokom su bile postavljene brane sagrađene od pobijenog hrastovog ili dračevog kolja, a međusobno isprepletanog prućem. Kolje se zabijalo u vodeno korito drvenim maljevima, a po potrebi se određivala dubina pobijanja. Nekada je kolje zabijano metar i više u dubinu.

Također se stari ribari sjećaju postojanja rukavaca-starača u kojima su stasavale generacije štika, pa i onih kapitalnih. Znale su noćnim ribolovcima priređivati scene koje su se poslije toga mjesecima, pa i godinama prepričavale. Naravno, uz mnogo pridodanih detalja u odnosu na stvarno i prvobitno doživljeno. Jedan od strastvenih ribolovaca i onih koji su „tamanili“ štuke bio je Murat Memagić.

Nakon što je znao obaviti svoje poštarske poslove, hvatao se ribarskog štapa, a potom strpljivo čekao odgovor na postavljeni mamac.



Memagić Murat u jednom od svojih ribarskih pohoda na Usoru

Posljedice onečišćenja vodotoka Usore

Već decenijama, iz godine u godinu, u većoj ili manjoj mjeri ponavlja se situacija u kojoj se bilježi trovanje vodotoka koje za posljedicu ima pomor ribe.

Sva ribarska udruženja koja djeluju na vodotoku Usore preduzimaju određene mjere i upućuju pritužbe prema općinskim strukturama nadležnih općina. Međutim, stiče se dojam da to nije dovoljno koordiniran i zajednički nastup koji bi mogao polučiti pozitivan odgovor.

Stoga, u narednom periodu, na tome treba raditi.

Još od vremena kada je u Tesliću postojao samo jedan industrijski subjekt (Destilacija) pamte se pomori ribe u rijeci Usori.

Također se i tada obraćalo nadležnim institucijama sa zahtjevom za inspekcijski nadzor i zaštitu vodotoka Usore. Dokaz za to su nam originalni dopisi upućeni direktoru tadašnje „Destilacije“ drva Teslić i zapisnici o izvršenom inspekcijskom pregledu.

Povodom toga utvrđivane su i izricane određene sankcije.

UDRUŽENJE SPORTSKIH RIBOLOVACA JELAH
UDRUŽENJE SPORTSKIH RIBOLOVACA "BOBOJ" DOBOJ
UDRUŽENJE S. ORPANSKIH RIBOLOVACA TESLIĆ

Dana, 11. oktobra 1977. godine.

GOUD DESTILACIJI DRVA

T E S L I Ć

PREMET: Shtjev sa poduzimanje mjera na otkla-
njanju uzroka zagađivanja rijeke Usore
i uništenja ribljeg fonda, te shtjev sa
naknadu štete nanesene trovanjem u o.g.

Od mjeseca aprila o.g. do dana podnošenja ovog shtjeva registro-
vali smo 6 veoma opasnih ispuštenja drvnih ulja, katrana i šeste
u korito rijeke Usore, dok češće pojave ispuštenja u manjim koli-
činama ova udruženja nisu bila u mogućnosti registrovati mada nam
je poznato da je to redovna pojava u ovim uslovima u kojima vi
obavljate svoje poslovne zadatke.

Ispuštanjem drvnih ulja, katrana i šeste u korito rijeke Usore
preusrekovali ste masovno trovanja-uništenje ribljeg fonda u ovoj
rijeci na relaciji: kanal do ušća u rijeku Bosnu, a vjerovatno ste
podpuno izgubili ostale zagađivače rijeke Bosne i oštećenje ribljeg
fonda i u rijeci Bosni.

Zbog ovog trovanja u jednom navratu u ovom periodu na traženje
udruženja sportskih ribolovaca iz Jelaha i po svojoj službenoj
dužnosti posjetio vas je i inspektor sa vodoprivredu GO-a Tešanj
u cilju isključivanja rješenja sa ove po nama opasne uzroke zagađi-
vanja i uništenja djela čovjekove okoline, a pogotovo uništenja
ribljeg fonda, nažalost i poslije ove posjete i vaših obećanja sta-
nje se nije poboljšalo već naprotiv obratno.

Provedom ovoga sastali su se predstavnici udruženja sportskih ribo-
lovaca: Jelah, Boboj i Teslić, koji su ocijenili ove pojave kao veoma
opasne izvore zagađavanja čovjekove okoline i uzrok uništenja rib-
ljeg fonda i izvršili smo procjenu samo ovogodišnje štete koju ste
nanijeli ribljem fondu ovih udruženja.

Naša je potpuna saglasnost i jedinstveni smo u ocijeni da je to
permanenta pojava i da se kraj ovome još ne nasire ili nismo do-
voljno informisani od strane vašeg kolektiva šta ste ove poduzeli
na ovom planu da bi se ovo pitanje rješilo imajući u vidu zakon-
ske obaveze, koje obavezuju kolektiv na ovom planu.

ZAPISNIK

o izvršenom inspeksijskom pregledu _____
sastavljen 19. 9. 1979 godine
u 7. 00 sati sa početkom u 12 sati.

PRISUTNI

1. *Josip [illegible]* inspektor SO-e Doboj
 2. *[illegible]* inspektor SO-e Doboj
- STRANKA: _____ rođen _____ godine u _____

od oca _____ i majke _____ rođene _____
nastanjen u _____ ulica _____ državljanstvo _____
zanimanje _____

PREDMET: *Upravljanje vodom i pojava*
problema s vodom u rijeci Neretvi

NA LAZ: *Prisutni su se složili da je a rijeci Neretvi nastala provala u obliku*
otvora na obali, što je uzrokovalo da u gornjoj
strani se pojavljuju problemi s vodom i da se
na njoj nalaze različiti predmeti.

1. *da je rijeka Neretva zaštićena i da je*
na njoj postavljena brana koja sprema vodu.

2. *da su se na rijeci Neretvi pojavile provala*
koje su uzrokovala da se voda izliva u gornjoj
strani i da se na njoj nalaze različiti predmeti.

3. *da su se na rijeci Neretvi pojavile provala*
koje su uzrokovala da se voda izliva u gornjoj
strani i da se na njoj nalaze različiti predmeti.

4. *da su se na rijeci Neretvi pojavile provala*
koje su uzrokovala da se voda izliva u gornjoj
strani i da se na njoj nalaze različiti predmeti.

5. *temperatura vazduha oko 22°C*

Prisutni su se složili da je a rijeci Neretvi nastala provala u obliku
otvora na obali, što je uzrokovalo da u gornjoj
strani se pojavljuju problemi s vodom i da se
na njoj nalaze različiti predmeti.

Zapisnik je pročitao i na isti JE — NIJE stavljena primjedba _____

Završeno u 13. 4. sati

Stranka,

GD 2830/79.

[Signature]
Inspektor.



**Posmatranje uzorka pomora ribe u Usori 1979. godine
(Husein Hrnjić je sa naočalama)**

Koliko se tada to ozbiljno shvatalo i nakon toga djelovalo pokazuje i argumentirana prepiska između Udruženja sportskih ribolovaca „Jelah“ i RO „Destilacija“ Teslić, kao i posjeta delegacije Udruženja direktoru „Destilacije“.

RO „Destilacija“ Teslić na čelu sa direktorom je prihvatila obavezu plaćanja računa za proizvedenu štetu u obliku otrovane ribe i pratećih troškova proizišlih iz obavljenih analiza.



SOUR »BORIS KIDRIČ« LUKAVAC
RO DESTILACIJA
TESLIĆ

74270 TESLIĆ

Telegrami: DESTILACIJA
Telefonl: 74-000, 74-001,
74-002, 74-003
Direktor: 74-111
Šef kom. sektora: 74-379
Telex: 44-540
Žiro račun: SDK Teslić

UDRUŽENJE SPORTSKIH RIBOLOVACA

74264 J E L A H

Vaš broj:

PREDMET:

Naš broj: 1/HJ/LD

Teslić, 7.3. 1980.

Prilikom posjete predstavnika Udruženja sportskih ribolovaca Jelah, drugova Hrnjića i Subašića 1.3.1980. godine našoj radnoj organizaciji, a u svrhu obeštećenja Udruženja za učinjenu štetu trovanja ribe, oktobra 1979. godine, nismo mogli dogovoriti konačan stav po vašem pismenom zahtjevu, pa smo se obavezali da ćemo vam do 10.3. 1980. godine isti javiti, pismenim putem, što ovom prilikom i činimo.

Stav RO Destilacije Teslić je sljedeći:

- RO Destilacija preuzima obavezu da na račun Udruženja sportskih ribolovaca Jelah, uplati 200.000,00 dinara (dvjestohiljadedinara) i visinu iznosa koji se platio za analize.
- Također smo preduzeli odgovarajuće mjere, da sa strane RO Destilacije ne dodje više do trovanja vodotoka.

Obavještavajući vas o prednjem, koristimo priliku da vas drugarski pozdravimo.

Direktor RO,

Hasan Jakupović
Mr Hasan Jakupović, dipl. ecc.

Co: OOUR-a Destilacije
Arhiva direktora RO

**Originalni dopis direktora „Destilacije“
Udruženju sportskih ribolovaca iz 1980. godine**

Danas se to umnogostručilo. Sada su u pitanju hemijske, ali i druge nečistoće. Ono što je vidljivo golim okom to je, može se slobodno reći redovan pomor ribe – bez sankcionisanja počinioca. Međutim, nije pomor ribe najveća šteta, puno opasnije je onečišćenje koje se taloži u riječnom koritu i priobalju, kao i ono koje se odlaže u tkivu biljaka i životinja, prije svega riba. To ugrožava vodosnabdijevanje, a u konačnici ugrožava ljudsko zdravlje i živote.

Posmatrajući samo zadnju deceniju, možemo reći da nijedna godina nije prošla, a da nije bilo pomora ribe u većoj ili manjoj mjeri.

Povodom velikog ekološkog incidenta pomora ribe 21.08.2012. godine u naselju Žarkovina – Teslić, a u neposrednoj blizini ispusta otpadnih voda fabrike tekstila „Dević“ – Teslić, općinski načelnik Tešnja je sa saradnicima održao sastanak sa udruženjima ribolovaca „*Blinker*“ Kalošević i *SRD* „Jelah-Tešanj“. Zaključeno je da je vodotok rijeke Usore ozbiljno ugrožen ovakvom pojavom, ne samo po biljni i životinjski svijet, nego dugoročno i po vodosnabdijevanje na području općine Tešanj. Isto tako je razmatrana mogućnost podizanja tužbe protiv počinioca ovog ekološkog incidenta. Pored toga je zaključeno da se uputi apel entitetskim ministarstvima i inspekcijama, kao i kantonalnim (ZDK) u vezi ovog slučaja, te medijima. Općinski načelnik je tražio sastanak sa općinskim načelnikom iz Teslića kako bi zajednički sagledali problem i definisali potrebne aktivnosti kako se incident ne bi ponovljao.



Pomor ribe u Usori (2012)

Jedan od narednih pomora ribe je bio 18.05.2013. godine, i opet industrijskim otpadnim tekućinama iz postrojenja na području općine Teslić. Tim povodom sportski ribolovci „Usora“ Teslić su održali sastanak sa općinskim načelnikom u Tesliću i o tom incidentu obavijestili javnost.

Sem što je načelnik istakao da su poduzete sve aktivnosti povodom zagađenja rijeke Usore i da su uzeti uzorci koji su poslani na analizu u Institut za javno zdravstvo u Doboju, ali rezultati još nisu poznati, dalje se nije uradilo ništa. Upoznao je javnost da je u opštini Tešanj došlo do velikih problema u vodosnadbijevanju opštine jer se isto vrši iz rijeke Usore te da su uzorci vode poslani na analizu u Sarajevo.

Nebi bilo korektno, niti kompletno ukazivanje na zagađenje vodotoka, ako bi govorili samo o zagađivačima sa područja općine Teslić.

Područje općine Tešanj je također, veoma odgovorno i saučestvuje u zagađenju vodotoka nizvodno od pritoka Talinog potoka (Mračajske Rijeke), Radušice, Tešanjke, kao i drugih, nešto manje odgovornih po tom pitanju.

U ovom osvrtu nećemo pojedinačno prozivati subjekte, ali odgovorni neka se nađu i započnu primjenu zaštite od zagađenja, u njihovom i

našem zajedničkom interesu, a prije svega u interesu generacija koje dolaze.

Kako je opisano u prethodna dva slučaja pomora ribe, tako se dešavalo puno godina ranije, a isto se ponavlja sve do današnjih dana.

Sam po sebi nameće se zaključak da nije dovoljno urađeno u cilju zaštite od pomora ribe, niti je adekvatno za spriječavanje dugoročnih posljedica na zdravlje stanovništva.

Sa time u vezi, mora se naći zakonski način kako zaštititi biljni i životinjski svijet u rijeci Usori i njenom priobalju, kao i način zaštite zdravlja ljudi.

SRD „Jelah-Tešanj“ u kontinuitetu ukazuje na ova dešavanja, preduzima određene aktivnosti u cilju otklanjanja posljedica, međutim, činjenice-rezultati govore da je to dosta usamljeno i nedovoljno široko društveno podržano.

Međutim, stvari su pokrenute sa mrtve tačke. Iako mali, ipak postoje pozitivni pomaci u cilju spriječavanja incidentnih situacija u obliku nedozvoljenog ispuštanja otrovnih supstanci u vodotoke. Kao argument konstatovanog navest ćemo primjer od 25.03.2017. godine kada je iz jednog od privatnih privrednih objekata u Talin potok (Mračajsku Rijeku) ispuštena sadržajno nepoznata količina otrovne tekućine pri čemu je došlo do trovanja ribe. Po saznanju za ovaj incident rukovodstvo SRD „Jelah-Tešanj“ je obavijestilo općinske inspekcijeske organe, JKP „Rad“ i uz asistenciju policije izašlo se na lice mjesta. Evidentirane su činjenice i preduzete raspoložive mjere.

Ovakvi i slični potezi moraju biti stalna zajednička praksa.

Predstoji nam da u narednom periodu još intenzivnije radimo na omasovljenju i jačanju podrške zaštiti vodotoka Usore.

U svijetu postoje **KONVENCije I SUDOVI, KAO I POVELJE** koje obezbjeđuju zaštitu okoliša-vodotoka. Pozvat ćemo se na međunarodne standarde i tražiti kvalitetniju zaštitu Usore.

Konvencija o zaštiti i korištenju prekograničnih vodotoka i međunarodnih jezera (*Konvencija o vodama*) UN Ekonomske komisije za Europu usvojena je 17.03.1992. godine u Helsinkiju, a 1996. godine stupila na snagu, s namjenom da osigura pravni okvir i potakne jačanje državnih mjera za regionalnu sardanju na zajedničkom upravljanju i zaštiti prekograničnih površinskih (rijeke, jezera) i podzemnih voda.

Opći cilj *Konvencije o vodama* je prevencija, kontrola i smanjenje zagađenja vodotoka.

U početku je *Konvencija o vodama* dogovorena kao regionalni instrument, ali je 2003. godine izmijenjena kako bi se omogućilo pristupanje svih zemalja članica UN, tako je 06.02.2013. godine amandmanima *Konvencija* prerasla u globalni pravni okvir za prekograničnu saradnju u oblasti voda, a pristup *Konvenciji* i zemalja izvan ECE regije je počeo od 2014. godine. UNECE pridonosi razvoju i ostvarenju principa za primjenu *Protokola o vodi i zdravlju* iz 1999. godine, kao i *Protokola o odgovornosti za štetu i naknadu štete izazvane prekograničnim učincima industrijskih nesreća u međudržavnim vodama* iz 2003. godine. Bosna i Hercegovina je pristupila i ratifikovala *Konvenciju o vodama* i *Protokol o vodi i zdravlju* („Službeni glasnik BiH“ br. 8/2009 i 8/2010).

Europska povelja o vodi

1. Bez vode nema života. Ona je dragocjeno dobro, prijeko potrebno u svakoj ljudskoj djelatnosti.
2. Slatkovodni resursi vode nisu neiscrpni.
3. Mijenjati kvalitetu vode znači ugrožavati život čovjeka i ostalih živih bića koja od vode zavise.
4. Kvalitet vode mora se čuvati do nivoa prilagođenog njenom korištenju koji predviđa i zadovoljava posebne zahtjeve zdravlja stanovništva.
5. Ako se voda poslije upotrebe vraća u prirodnu sredinu, to ne smije biti na štetu drugih korisnika, javnih ili individualnih.
6. Održavanje odgovarajućeg biljnog pokrivača, prvenstveno šumskog, od velike je važnosti za očuvanje vodenih resursa.
7. Vodeni resursi se moraju stalno kontrolirati.
8. Dobro upravljanje vodama mora se planirati i registrirati zakonom preko nadležnih institucija.
9. Zaštita voda traži značajan napor u naučnom istraživanju i u stvaranju specijalista za javno informiranje.
10. Voda je zajedničko nasljedstvo i njenu vrijednost moraju svi poznavati. Zadatak je svakoga da vodu racionalno koristi.
11. Upravljanje vodenim resursima mora se prije svega vršiti u sklopu sliva, a ne unutar upravnih i političkih granica.
12. Voda ne zna granice. To je jedan, zajednički izvor, koji traži međunarodnu suradnju.

Moramo čuvati naše izvore pitke vode čistima - ne samo zbog zaštite okoliša, već zbog zaštite našeg zdravlja!

Strukture u vodotoku (poprečne strukture)

Članovi Sportsko ribolovnog društva "Jelah-Tešanj" su 2009. godine na rijeci Usori napravili branu kojom su podigli nivo vode i kojom su omogućili ribolovcima koji posjećuju rijeku Usoru ugodniji ribolov i u sušnim danima ljetnih mjeseci. Brana je napravljena, neposredno ispod mosta, koji povezuje obale na putnom pravcu Tešanj - Prnjavor.

S obzirom da je odmah iznad mosta već ranije napravljena takmičarska staza doprinijela je održavanju kvalitetnijih ribarskih takmičenja tokom čitave godine.


Izgradnjom brane su se postigli vidljivi i pozitivni efekti. Da bismo čitaocu približili značaj, ulogu i funkcionisanje brane koristit ćemo se podacima iz stručne literature. Prezentirat ćemo nekoliko načina i postavljanja poprečnih struktura u vodotoku.

Uz svestrano sagledavanje i eventualne korekcije uočenih negativnosti, ona će sigurno odgovoriti prvobitnoj zamisli i svojoj namjeni.



Betonska brana na Usori (izgrađena 2009.)

-pogled usmjeren na uzvodni dio



Betonska brana na Usori (izgrađena 2009.)

-pogled usmjeren na nizvodni dio

Iskustva iz svijeta, a i našeg bližeg okruženja govore da poprečne strukture preko cijele širine vodotoka (npr. kamene rampe, pragovi i pregrade) je potrebno svesti na najmanju moguću mjeru kako bi se sačuvala prikladna staništa za riječni živi svijet, odnosno zadržali prirodni tok i prirodni uslovi riječnog korita, te izbjegao efekat ujezerenja. Kako bi se zadržala povezanost, ključno je da poprečne strukture nisu prepreka migratornim vrstama.

Za riblje staze se primjenjuju granične vrijednosti veličine, nagiba i brzine toka.

Samo ako su poznati migracijski koridori i specifične ekološke potrebe ciljnih vrsta, moguće je odrediti hidrotehničke karakteristike riblje staze koja će osigurati njenu prohodnost. Ako je moguće, najbolje je rješenje potpuno ukloniti strukturu u vodotoku. Pri tome treba imati na umu kriterije koji nalažu specifičan pristup za određenu vrstu rijeke, na način da se uspostavi samoodrživa riječna morfologija (pronos sedimenta, hidrološki režim). Ako strukturu nije moguće u potpunosti ukloniti, druga najbolja opcija jest ponovo je izgraditi na način da u potpunosti bude prohodna za migratorne vrste i to cijelom širinom korita i toka

rijeke. Također, trebalo bi razmotriti smanjivanje strukture. Ukoliko to nije moguće najbolje rješenje je izgradnja, što je moguće prirodnijih, obilaznih tokova koji koriste dio protoka rijeke. Jedan od novijih tipova poluprirodnog obilaznog toka je takozvani „asimetrični grubi kanal“ koji omogućuje prohodnost korištenjem kamenih rampi. Na taj se način na unutrašnjim i vanjskim zavojima obilaznog toka stvaraju koridori za različite vrste riba bez obzira na plivačku sposobnost. Ovakvi obilazni tokovi odolijevaju čak i velikim poplavama te ne zahtijevaju kontinuirano održavanje.

Riječni pragovi

Riječni pragovi su poprečne regulacijske građevine pomoću kojih se u pojedinim poprečnim profilima vodotoka stabilizira ili utvrđuje dno korita na projektiranoj koti. Svrha izgradnje pragova u nizu je da se stabilizira uzdužni profil korita vodotoka na potezu izgradnje. Na potezima velikih dubina vodotoka pragovi se koriste da bi uzrokovali naplavljivanje riječnog dna nanosom. Ovisno o erozijskim i morfološkim karakteristikama vodotoka te konkretnim lokalnim uslovima, postoje razne mogućnosti konstruktivnih rješenja i tehnologije izgradnje pragova.

Osnovni dijelovi brane su: tijelo, preljev, ispusti i slapišta. *Tijelo brane* preuzima pritisak vode i druge sile koje djeluju na branu i prenosi ih preko temeljne površine na dno i bokove riječne doline ili korita. Gornji dio tijela završava *krunom brane*, a to je najviša površina brane, obično poslužna cesta ili pješačka staza. Donji i bočni dijelovi tijela učvršćeni su u dno i bokove riječne doline ili korita, a završavaju temeljnom površinom, što je najniža površina brane. *Preljevi* su smješteni na najvišoj koti akumulacijskog jezera i služe za evakuaciju poplavnih voda iz jezera u riječno korito. Tako se kruna brane štiti od prelijevanja. Voda se preko preljeva može prelijevati slobodno ili je prelijevanje kontrolirano zapornicama. Preljevi s otvorenim odvodnim koritom smještaju se na tijelo brane ili bok akumulacijskog jezera, a preljevi s uspravnim preljevnim oknom i vodoravnim odvodnim tunelom smještaju se unutar akumulacijskog jezera. *Ispusti* služe za pražnjenje akumulacijskog jezera, za iskorištavanje vode iz jezera, a kroz njih se može iz jezera ispirati i nataloženi nanos. Za kontrolu ispuštanja vode kroz ispuste služe zapornice. Ispusti prolaze kroz tijelo brane ili bočni dio pregradnoga mjesta brane. *Slapišta* služe za rasipanje

energije vodenoga mlaza koji prelazi preko preljeva ili kroz ispust, čime se sprječava razaranje riječnoga korita i potkopavanje temelja brane. To su bazeni kojima su odvodna korita preljeva i ispusta spojena s prirodnim koritom rijeke. Po potrebi se uz brane grade i korita za propuštanje drva, riblje staze, brodske prevodnice i druge građevine, kojima je svrha da omoguće one korisne funkcije rijeke što ih je brana presijecanjem vodenog toka onemogućila. Radi praćenja stanja brane i poduzimanja mogućih mjera kako bi se spriječila oštećenja ili rušenje brane, stalno se promatraju sva zbivanja u vezi s branom i njezinim okolišem (pomaci i naprezanja brane i temeljnog tla, meteorološke i hidrološke prilike, seizmološka djelovanja).

Prema veličini i složenosti gradnje, brane se dijele na velike i ostale. *Velike brane* jesu one koje su više od 15 m (mjereno od najniže tačke temeljne površine do krune) i brane visine između 10 i 15 m, koje zadovoljavaju barem jedan od sljedećih uslova: kruna dulja od 500 m, obim akumulacije dobivene gradnjom brane veći od 1 mil. m³, najveća poplavna voda koja se propušta preko preljeva brane veća od 2000 m³/s, posebno složeni uslovi temeljenja brane, brana netipičnog rješenja. Prema načinu gradnje i materijalu, brane se dijele na *nasute*, *betonske* i *zidane kamenom*, koje su danas vrlo rijetke.

Nasuta brana

Nasuta brana načinjena je od prirodnog materijala iskopanog uglavnom u blizini gradilišta (glina, šljunak, pijesak, kamen i sl.). To je najstarija poznata vrsta brana, a gradila se i prije više hiljada godina. Uz prikladnu pripremu temelja, osiguranje vododrživosti i hidraulične stabilnosti temeljnog tla može se primijeniti na svim tlima. Vododrživost se ostvaruje primjenom materijala koji slabo propušta vodu ili ugradnjom vodonepropusna dijela u tijelo brane (jezgra), ili pak na uzvodnu kosinu. Uzvodna se kosina osigurava od djelovanja valova kamenom ili drugom oblogom, a nizvodna od djelovanja erozije od oborinske vode zatravljanjem ili kamenom oblogom. Da se osigura hidraulična stabilnost, tijelo brane sadrži drenažni sistem. Iz sigurnosti se preljev i ispusti izvode pretežno izvan brane.



Detalj sa izgradnje brane na Tešanjci



Mali predah i planiranje nastavka rada



„Splavarenje“ iznad brane

Betonska brana

Betonska brana može se graditi od običnog i armiranog betona. Postoje tri osnovna tipa velikih betonskih brana: gravitacijske, lučne i raščlanjene.

Gravitacijska brana

Gravitacijska brana suprotstavlja se vlastitom težinom pritisku vode, pa zato tijelo brane ima velik obim i vrlo širok temelj. Osnovni je oblik poprečnog presjeka gravitacijske brane trokut. Temelji se na dobrom temeljnom tlu, najčešće na stijeni, a na šljunku se mogu temeljiti brane manjih visina. Vododrživost akumulacije i smanjenje pritiska vode na temeljnu površinu ostvaruje se injekcijskom zavjesom na uzvodnoj strani brane, a katkad i odvodnjom bunarima izvedenima neposredno nizvodno od injekcijske zavjese. Radi praćenja stanja brane i mogućnosti dopunskog injektiranja, izvode se kontrolne (injekcijske) galerije po konturi temeljne površine na uzvodnoj strani. Na branama višima od 40 m grade se i vodoravne kontrolne galerije na približno svakih 25 do 40 m visine. Najčešće se preljev i ispusti izvode na samoj

brani, odnosno u tijelu brane. Kako bi se smanjila dopunska naprezanja zbog stezanja betona, ugrađivanje se provodi u blokovima (15 do 20 m) koji se spajaju brtvama, tokom građenja hlade se agregat i voda, a gradi se i od betona koji razvija manju hidratacijsku toplinu.

Lučna brana

Lučna brana mnogo je tanja; građena je kao zakrivljena vitka ploča učvršćena za okolni teren, tako da se veći dio opterećenja usporenim vodom prenosi na bokove doline, gdje je brana oslonjena i vezana o čvrste stijene. Lučnom se branom pregrađuju uske doline s dobrim uslovima temeljenja. Na osnovi omjera debljine brane u nožici i visine brane razlikuju se tankostjena ($< 0,2$), debelostjena (0,2 do 0,4) i lučno-gravitacijska brana (0,4 do 0,6). Tankostjene lučne brane grade se od armiranog, a ostale od običnog betona koji se armira samo u oslabljenim presjecima (preljev, ispusti, galerije i sl.). Radi praćenja stanja brane i mogućnosti dopuskog injektiranja, izvode se kontrolne galerije kao i kod gravitacijske brane. Preljev i ispusti izvode se najčešće na samoj brani, odnosno u tijelu brane.

Raščlanjena brana

Raščlanjena brana često se gradi u širokim dolinama. Taj se tip brane sastoji od teških stupova (kontrafora) temeljenih u koritu doline, koji se na uzvodnoj strani proširuju u glave stupova ili je na njih oslonjena uzvodna konstrukcija od ploča, niza manjih lukova ili kupola. Rade se na dobrome temeljnom tlu.

Posebna vrsta brane, nazvana *pokretnom*, ima pokretne dijelove, zapornice, kojima se u cijelosti ostvaruje uspor vode. Zapornicama se u akumulacijskom jezeru zadržavaju mali i srednji protoci, a poplavne se vode podizanjem zapornice propuštaju kroz branu. Betonska konstrukcija služi samo za oslanjanje zapornica i spoj s bočnim nasutim dijelovima brane. Te su brane manje visine, koja je ograničena mogućnostima izvedbe zapornice. Grade se često na nizinskim dijelovima rijeka na kojima se, uz pokretnu branu smještenu u koritu rijeke, akumulacijsko jezero ostvaruje popratnim nasipima uzduž riječnoga korita.

Jelaška brana

Kako piše Kenan Širbegović, član ekipe “Jelah” iz Tešnja, ekipe koja je na Svjetskom prvenstvu kojem smo bili domaćini zauzela fantastično četvrto mjesto, nova brana je nastala nakon mnogo pokušaja izgradnje brana od kamena, koje bi sa prvim većim vodostajem nakon kiša “otišle” kilometar nizvodno.

Ovaj put, “glavni i odgovorni” za izgradnju brane i nadgledanje radova je bio Pilav Ragib, takodjer takmičar gore pomenute ekipe, a u samoj izgradnji su učestvovali mnogobrojni članovi ovog Udruženja. Brana će duž takmičarske staze održavati stalan nivo vode od minimalnih 1.8 metara, do maksimalnih 2.5 metara.

Ribočuvarska služba je zabilježila nekoliko načina krivolova. Među njima su najtipičniji:

Krampanje je popularna nesportska, vrlo štetna i za riblji svijet pogubna metoda lovljenja ribe. Tim načinom se ranjava veći broj riba, da bi se izvukao jedan primjerak. Najgore u tome je što se to radi u vrijeme mrijesta kada ribe idu usporeno i u jatima.

Lov ribe mrežom nije zakonom dozvoljen na malim riječnim tokovima. Međutim, nesavjesni ljudi koriste taj način ulova većih količina ribe. I ovaj način je primjetno više prisutan u vrijeme mrijesta.

Bacanje eksplozivnih naprava, pored šetnog uticaja na vodotok, biljni i životinjski svijet ima i naglašenu opasnost od povrijeđivanja i samopovrijeđivanja.

Lov ribe električnom energijom predstavlja izrazito štetan i po život opasan način primjene električne energije.

Organizovanom i planskom akcijom u kontinuitetu Udruženje putem svoje ribočuvarske sekcije provodi prevenciju i u krajnjem slučaju sankcioniše prekršioce etičkog kodeksa sportskih ribolovaca.

Pri ovoj konstataciji nezaobilazno se mora naglasiti da je to moglo i ubuduće će se moći provoditi, samo zahvaljujući entuzijazmu svojih članova, koji dobrovoljno obavljaju ovu aktivnost.

Takodje, posebna pažnja će se dati i na razvijanje eko svijesti kod svakog sportskog ribolovca kao i potencijalnog zagađivača, uređivanju ribarskih staza, edukaciju i osvježenje Udruženja kako sa seniorima tako i pionirima i omladinom.

Za realizaciju navedenih aktivnosti najodgovorniji su članovi ribočuvarske službe, eko sekcije i takmičarske komisije.

U proteklom periodu izvršili smo poribljavanje naših rijeka skupa sa susjednim udruženjima "Bosna" Maglaj i udruženjem "Kulina" Doboj-Jug, sa kojima imamo veoma dobru saradnju. Saradnja i sa svim udruženjima širom BiH a i van naše države je jako dobra.

Da članovi Udruženja tradicionalno imaju sportski duh i da su zaštitnici ribljeg fonda, kao i pratećih elemenata govori nam dopis koji je još 1982. godine upućen Udruženju sportskih ribolovaca Zenica.

U dopisu se navodi nesportsko ponašanje članova Udruženja iz Zenice prilikom izlazaka na Usoru i njene pritoke.

I pored navedenog, pažljivom čitatocu dopisa će pasti u oko detalj na kojem se vidi dobronamjerno upozorenje za poštivanje količine i broja dnevnog ulova, kao i uputstvo za kupovinu dozvola.

UDRUŽENJE SPORTSKIH RIBOLOVACA

Broj: 111/82
Zeni, 5. aprila 1982
J E L A Z

UDRUŽENJU SPORTSKIH RIBOLOVACA

Z E N I C A

Predast: Odgovor na dopis 111/82

Prizili smo vaše cijenjene pismo i želimo da se zahvalimo na vašoj saradnji. Tačno je to da nam Sevan BM nije štampao petstojanike i da te etelava kontroli ribolovnih voda.

Prije nego što vam dase odradjene revire i zabrane obavljene sportskog ribolova, htjeli bi da vas upoznamo o poslaćanju vaših sportskih ribolovaca koji pecađu na našim vodama, pretežno rijeci Usari.

Šalimo je reći, ali istinito, da kod nas mnogih vaših ribolovaca postoje čudni monaraki apetiti. Levo ribu u neograničenim količinama. Bilo je takvi koji su dnevno hvatali po dvadeset komada urasa i ako je našim pravilnikom dozvoljeno deset komada gadišaja.

Česte puta neuzimaju dnevno islaske, a kad ih uhvati čuvar brane se da nisu našli blagajnika što nikom slučaju nije tačno.

Dozvole prodajemo na tri punkta:

1. Tešanjska kod Ibrahimkadić Zije elektromehaničara.
2. Ajdžević Dado Jelak-fotografska radnja
3. Boširović Hamib Jelak, brijačka radnja

Prema tome ove tri punkta rađe dvokratno pa je omogućeno vođenje izlaza i prije i poslije podne.

Želili bi da ove svjetite na dobrostanju jer znamo da vi kao predsjedništvo o tome nemate ništa. Jedino vam molimo da skrenete vašim ribolovcima koji levo na rijeci Usari da se sportski poslađu, jer u protivnom može doći do neželjenih posljedica obzirom da Sevi zakon o slatkovodnom ribolovu nalaže mnoge obtrije mjere kod narušavanja i neupotrebe korišćenja ribljeg fonda.

Može plodišta:

rijeka Jela cijelim tokom
Talin potok cijelim tokom
rijeka Tešanjska cijelim tokom

Zabrane levo na rijeci Usari od klauice nizvodno do Bljankara.

Zakodje vam dostavljamo Odluku o visini naknade za obavljanje sportskog ribolova na području "Bosna" 2

Mi vas drugarski pozdravljamo sa ribarskim pozdravom:

"BISTRO"

Predsjednik udruženja
Mustet Subašić

Dopis Udruženju sportskih ribolovaca Zenica (1982.)
-informacija sa posjećanjem na sportski kodeks

VI - ŠESTO POGLAVLJE

PLANSKE AKTIVNOSTI

Redovne aktivnosti

Održavanje postojećih brana u Jelahu i Kraševu

Redovnim praćenjem migratornih aktivnosti ribljih vrsta u vodotoku Usore pristupa se proširenju ili djelimičnom zatvaranju koridora kojim se kreću riblja jata. Nijednog trenutka se ne dovodi u pitanje mogućnost nesmetanog ribljeg kretanja ka svom nagonskom odredištu.

Uređivanje ribarskih staza

Po izuzetno ugodnom vremenu 2017. godine je održana eko akcija sa, do sada, rekordnim brojem učesnika. Naročito mladi učesnici, a oni su bili u većini, mogu se osjećati ponosno na uradjeno u Jelahu, Kraševu i Šijama!

Osim ribolovaca u akciji su učestvovala eko sekcije iz OŠ Tešanjka i Šije, članovi Savjeta MZ Jelah, Kraševo i Šije, članovi Dobrovoljnog vatrogasnog društva Jelah, radnici FAD Jelah, navijačka skupina „Jelaški jališaši“, Udruženje žena "Jelašanke", te supruge i djeca aktivista.

Posebno treba istaći partnersku ulogu općine Tešanj i Savjeta MZ Jelah, Kraševo i Šije. Slična akcija je planirana ponovno 22. aprila, na dan obilježavanja Planete zemlje.



Detalj uređenja ribarske staze u Jelahu



Vrijedni omladinci iz Tešanjke



Istresanje posipnog materijala



Popunjavanje i ravnanje kolovoznih oštećenja

Dugoročne aktivnosti

Izgradnja riječnih pragova (niskih brana)

Ovoj aktivnosti se pristupilo u cilju spriječavanja dalje devastacije riječnog korita, čime se stječu uslovi za obnovu ribljeg fonda sa pratećom florom i faunom u riječnom koritu, duž riječnih obala i priobalja.

Kako svaka brana u određenoj mjeri podiže nivo vode, ove aktivnosti će dovesti do stabiliziranja vodostaja, kao značajnog segmenta u obezbjeđivanju redovnog vodosnabdijevanja za područje naše općine.

Već ranije izgrađena brana ispod postojećeg mosta na putnoj komunikaciji Tešanj-Prnjavor je pokazala opravdanost svoga postojanja, a glede pozitivnog uticaja na vodosnabdijevanje.


Riječni pragovi, koji će se graditi u nizu će zasigurno dodatno popraviti pozitivne efekte kako na vodosnabdijevanje, tako i na floru i faunu koja je značajno reducirana u nekoliko zadnjih decenija.



Detalj sa izgradnje riječnog praga na dionici „Rastoke“



Prvi novoizgrađeni riječni prag na dionici „Rastoke“



**Početak uspostave pačjeg carstva
– dionica „Rastoke“ 13.11.2017.**



Kupljena mlad za poribljavanje vodotoka rijeke Usore

Projekt „Jezero Rastoke“

Ideja o jezeru je višedecenijska i moglo bi se reći višegeneracijska. Sekretarijatu unutrašnjih poslova se 07.04.1982. godine pismenim putem obratio predsjednik Udruženja Nusret Subašić sa molbom za odobrenje prikupljanja sredstava-dobrovoljnih priloga od građana i radnih organizacija (tada OOUR-a), u svrhu izgradnje akumulacionog jezera i jedne brane u mjesnoj zajednici Jelah.

Ratne okolnosti su privremeno zastavile realizaciju ovog projekta, međutim, od ideje se nije nikada odustalo. Ona je ponovo aktuelizirana, prije svega od SRD „Jelah-Tešanj“, a potom i od građanstva, odnosno struktura mjesne zajednice i općine. Nadamo se uspješnoj i skoroj realizaciji ove nadasve i višestruko korisne investicije.

SAVES SPORTSKIH RIBOLOVACA IM SARAJEVO
KONTINENTALNA UDRUŽENJA RIBOLOVACA "BOSNA" 2
UDRUŽENJE SPORTSKIH RIBOLOVACA
Broj:12/82
Dne, 7. IV 1982. godine
J E L A H

SEKRETARIJATU UNUTRAŠNJIH POSLOVA

TEŠANJ

Predmet: Traži se saglasnost-odobrenje za prikupljanje
dobrovoljnih priloga od građana i OCUR-a.

Udruženje sportskih ribolovaca Jelah održao je godišnju skupštinu dana 18. februara 1982. godine i tom prilikom donos Program rada i aktivnosti udruženja i plan troškova i prihoda za realizaciju programa aktivnosti za 1982. godinu.

U programu, između ostalog, programirana je gradnja akumulacionog jezera i jedne brane u naselju Jelah. Za programske zadatke potrebna su finansijska sredstva u iznosu od 1.624.290,00 dinara.

Prije donošenja ovog programa održana je proširena sjednica sa svim društveno-političkim organizacijama koje djeluju i rade na području Mjesne zajednice kao i predstavnici Mjesne zajednice.

Zaključeno je da se grade planirani objekti, a na realizaciji treba da učestvuju sve OCUR-e, Mjesna zajednica, društveno-političke organizacije kao i učesnici našeg udruženja. Ta pomoć i saradnja imala bi materijalni, finansijski karakter i učesnike u radnoj snazi.

Da bi mogli pristupiti realizaciji programskih zadataka potrebna nam je vaša pismena saglasnost i odobrenje za prikupljanje sredstava.

Kako se radi o hitnosti (sječa gradje prije puštanja soka) molimo vas da nas imate u vidu i pomognosti u što kraćem roku udovoljite našem traženju.

Sa drugarski pozrav i ribarski "BISTRO"

Prilogi:

1. Program i plan aktivnosti
2. Odluka o usvajanju programski mjera
3. Izvod iz zapisnika sa Skupštine x 2

Predsjednik
Udruženja sportskih ribolov.
Bura Zubašić

**Dopis Sekretarijatu unutrašnjih poslova Tešanj (1982)
-traženje saglasnost za prikupljanje sredstava**

Zapisnik

sa održane proširene sjednice USR-a Jelak
održane dana 19. V 1983. godine.
Sjednici prisustvuje 12 čl. od pozvana 24
člana.

Dnevni red

1.) Izvršeni programski zadatci

a) takmičenja u 1983

- natjecanje 29. V 1983

- Završna 11. i 12. VI 83

b) od Primatstvoje konferencije 11. VI 83.
u Bos. Šamcu 11. VI 83. -

c) zaštita ribljeg fonda

d) priprema gradnje jezera i dogradnje
brane Tesanjke

e. Terača pitanja

- upoznavanje sa sadržajem o
materijalnim troškovima

✓ - odluke o napredovanju sa

✓ nadzornim takmičenjima

① a) Predsjednik je upoznao prisutne o dosadašnjem
općem anketi konferenciji Sjednice
dane 9. lista "Bosna II" (statut, Samostan
Sporazum o međusobnim odnosima u
Sjednici).

- upoznao je i o održavanju nadzornog
takmičenja i projekcije i program
konferencija. Završeno nadzorno takmičenje

Iz originalnog zapisnika od 19.05.1983. godine sa održane proširene
sjednice USR Jelak je vidljivo da su pripreme za izgradnju jezera u

Jelahu bile redovna tačka dnevnog reda. Isto tako očigledan je i nadzor nad dogradnjom brane u Tešanjci.

Između ostalog, opravdanost obnovljenih, a davno započetih aktivnosti na izgradnji jezera, kao i izgradnji brana i riječnih pragova imaju svoju opravdanost kroz, već na samom početku, vidljive efekte. Naime, riblji fond se znatno povećao, a ptičije vrste su se također u značajnoj mjeri počele zadržavati na ovim prostorima, tokom svojih migratornih preleta.

VII - SEDMO POGLAVLJE

Iz arhivske građe se može zaključiti da Udruženje praktično od svog osnivanja djeluje u okviru, postojeće zakonske regulative.

To se odražavalo na organizacionu strukturu, a sa time u vezi i na funkcionisanje Udruženja.

Udruženje je od osnivanja bilo članica Saveza sportskih ribolovaca Bosne i Hercegovine.

Potvrdu za ovu konstataciju nalazimo i u dopisu Udruženja koji je 03.02.1982. godine upućen Sekretarijatu unutrašnjih poslova sa molbom za dodjelu registarskog broja uloška.

U obrazloženju se navodi da je Udruženje još 1977. godine donijelo svoja samoupravna akta:

- 1.Statut.
- 2.Odluku o utvrđivanju odštetnog cjenovnika.
- 3.Odluku o broju dozvoljenih izlazaka.
- 4.Pravilnik o odgovornosti članova Udruženja.
- 5.Poslovnik o radu Predsjedništva i Skupštine.

SAVEZ SPORTSkih RIBOLOVACA MH
UDRUZENJE SPORTSKIH RIBOLOVACA
Broj: 11/82
Dne, 3. II 1982. godine
J E L A H

SEKRETARIJATU UNUTRAŠNJIH POSLOVA

T E Š A N J

Predmet: Molimo registarski broj uložka.

Takon o jedinstvenoj klasifikaciji djelatnosti "Službeni list
SFRJ" broj 6/76 zahtjevao je razvrstavanje po djelatnostima
i jedinstveni registar organizacija i zajednica pa na osnovu
toga Savezni zavod za statistiku traži prijavu o registraci-
ji.

Ovo udruženje donijelo je svoja Samoupravna akta 1977. godine,
ali iz postojećih evidencija nije mogla ustanoviti podatke
o registraciji kao ni datum upisa u registar.

Molimo vas da provjerite da li postoji zahtjev ovog udruženja
za registraciju.

Ukoliko ne postoji evidencija, to se molite da nas upišete
u registar, a uz ovaj zahtjev prilažemo:

1. Statut
2. Odluku o utvrđivanju oštetnog cjenovnika
3. Odluku o broju dozvoljenih izlazaka
4. Pravilnik o odgovornosti članova udruženja
5. Poslovník o radu predsjedništva i skupštine.

Uz drugarski pozdrav

Predsjednik

Kopija upućenog dopisa od 03.02.1982. godine

Aktuelna Statutarno – poslovnička regulativa

U skladu sa društvenim prilikama i pratećom zakonskom regulativom Udruženje je usklađivalo svoju organizaciju i djelokrug rada.

Trenutno je organizovano kao udruženje građana **Sportsko ribolovno društvo „Jelah-Tešanj“**, sa sjedištem u ulici Armije BiH b.b. Jelah, a skraćeni naziv mu je SRD „Jelah-Tešanj“.

Ima svoj Statut i organe.

Statutom su, kroz pojedina poglavlja, uređeni odnosi u pogledu naziva, sjedišta, oznaka, zastupanja i predstavljanja Udruženja.

Zatim je obuhvaćena djelatnost Udruženja. Detaljno su razrađeni kriteriji i način učlanjenja sa pravima, dužnostima i odgovornošću članova. Shodno tome, zbog eventualnog nepoštivanja statutarnih odredbi, kao sankciona mjera, proističe prestanak članstva.

Organi Udruženja su:

- Skupština
- Upravni odbor
- Nadzorni odbor
- Disciplinski sud i
- Komisije Upravnog odbora.



Broj: 06-05-94-3/98
Zenica, 11.04.2017.godine

Na osnovu članova 33. i 52. Zakona o udruženjima i fondacijama („Službene novine Federacije BiH“, broj: 45/02), i člana 7. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 13/08 – Prečišćeni tekst), Ministarstvo za pravosuđe i upravu, po Zahtjevu za upis promjena, koji je dana 13.02.2017. godine, podnijelo Udruženje Sportsko ribolovno društvo „Jelali-Tešanj“, sa sjedištem u Tešnju, Jelali, ulica Armije BiH bb, knjiga 1, registarski broj 267, donosi:

RJEŠENJE **o upisu promjena u registar**

Rješenje ovog Ministarstva, za Udruženje Sportsko ribolovno društvo „Jelali-Tešanj“ iz Tešnja, broj: 06-05-94-2/98 od 22.03.2013. godine u pogledu promjene članova upravnih tijela i ovlaštenih osoba za zastupanje i predstavljanje udruženja, a u postupku usklađivanja akata sa odredbama Zakona o udruženjima i fondacijama („Službene novine Federacije BiH“, broj: 45/02), mijenja se i glasi:

- I. Prestaje mandat članovima upravnog odbora udruženja: Pikujać Nerminu, Festa Vahidu, Mustajbašić Adnanu, Karahodžić Sejadu, Pilav Ragibu, Ogrić Kemalu, Alić Bajri, Memić Džemalu i Hasanbašić Snadu.
- II. Novoizabrani članovi upravnog odbora udruženja su: Festa Vahid, Pikujać Nermin, Širbegović Kenan, Karahodžić Sejad, Pilav Ragib, Sabesić Nermira, Alić Bajro, Terzić Mehmedalija i Mešić Juso.
- III. Novoizabrani članovi nadzornog odbora udruženja su: Memić Džemal, Gopo Husein i Salkićević Senad.
- IV. Novoizabrani predsjednik skupštine udruženja je Hasanbašić Senad, a zamjenik predsjednika skupštine udruženja je Ahmetović Emir.
- V. Prestaje ovlaštenje za zastupanje i predstavljanje udruženja za: Pikujać Nermira, predsjednika upravnog odbora udruženja i Festa Vahida, zamjenika predsjednika upravnog odbora udruženja.
- VI. Novoizabrane osobe ovlaštene za zastupanje i predstavljanje udruženja su: Festa Vahid, predsjednik upravnog odbora udruženja, Tešanj i Pikujać Nermin, zamjenik predsjednika upravnog odbora udruženja, Tešanj.
- VII. Upisuje se u Registar Odluka o izmjeni i dopuni Statuta udruženja usvojena na skupštini održanoj 15.01.2017. godine.
- VIII. Ostali upisi po Rješenju broj: 06-05-94-2/98 od 22.03.2013. godine, ostaju ne promijenjeni.

Obrazloženje

Udruženje Sportsko ribolovno društvo „Jelali-Tešanj“ iz Tešnja, podnijelo je ovom Ministarstvu dana 13.02.2017. godine Zahtjev za upis promjena u Registar udruženja, a vezano za postupak usklađivanja akata tog Udruženja sa odredbama Zakona o udruženjima i fondacijama („Službene novine Federacije BiH“, broj: 45/02), a naročito vezano za upis promjena članova upravnih tijela i ovlaštenih osoba za zastupanje i predstavljanje udruženja.

Uz zahtjev priložena je dokumentacija:


- Zahtjev za upis promjena u Registar udruženja/fondacija,
- Odluka o imenovanju članova upravnog odbora, broj: 05/17,
- Odluka o imenovanju članova nadzornog odbora, broj: 08/17,
- Odluka o imenovanju predsjednika i zamjenika predsjednika skupštine udruženja, broj: 04/17,
- Odluka o imenovanju ovlaštenih osoba za zastupanje i predstavljanje udruženja,
- Odluka o izmjeni i dopuni Statuta udruženja, broj: 17/17,
- Statut,
- Dokaz o uplati takse,
- Zapisnik.

Ministarstvo za pravosuđe i upravu razmotrilo je i ocijenilo priloženu dokumentaciju i mišlilo je da su ispunjeni uvjeti iz člana 33. odnosno 52. Zakona o udruženjima i fondacijama za upis promjena u Registar, radi čega je doneseno Rješenje kao u dispozitivu.

PRAVNA POUKA: Ovo Rješenje je konačno u upravnom postupku i protiv istoga nije dopuštena žalba, ali se može pokrenuti upravni spor tužbom kod Kantonalnog suda Zenica, u roku od 30 dana od dana prijema rješenja.

Dostavljeno:

- 1x Podnosiocu zahtjeva
- 1x Federalno ministarstvo pravde Sarajevo
- 1x Ministarstvo za obrazovanje, nauku, kulturu i sport
- 1x Evidencija
- 1x a/a



MINISTAR

Mirnes Basić



Bosna i Hercegovina, Zenica, Kućukovići br. 2
Telefon: 032 460-740; Fax: 032 460-742
e-mail: min.pravosudje@zdk.ba
www.zdk.ba

**UDRUŽENJE GRAĐANA
SPORTSKO RIBOLOVNO DRUŠTVO
„JELAH-TEŠANJ“**



Broj: 18/17
Jelah:09.02.2017

Na osnovu člana 11. Zakona o udruživanju građana (Sl.glasnik BiH 32/01), i člana 63. Statuta udruženja, Skupština Sportsko ribolovnog društva „JELAH-TEŠANJ“, na svom zasjedanju od 15.01.2017.godine a na osnovu Zaključka Skupštine, Odluke Upravnog odbora broj:12/17 od 26.01.2017.godine i Odluke komisije za izmjene i dopune Statuta broj:16/17 od 09.02.2017.godine, po ukazanoj potrebi donosi :

S T A T U T

Sportsko ribolovnog društva „JELAH-TEŠANJ“

I OPŠTE ODREDBE

Član 1.

Statutom Sportsko ribolovnog društva „JELAH-TEŠANJ“ (u daljem tekstu: „STATUT“), utvrđuju se: naziv udruženja „Sportsko ribolovno društvo Jelah-Tešanj“ (u daljem tekstu: «Društvo»), sjedište, zastupanje i predstavljanje društva i njegovih organa, ciljevi i zadaci društva, obavještanje javnosti, nagrade, priznanja i druga pitanja u vezi rada i postojanja društva.

II NAZIV I SJEDIŠTE

Član 2.

Naziv društva je „SPORTSKO RIBOLOVNO DRUŠTVO JELAH-TEŠANJ“, a skraćeni naziv društva je „SRD JELAH-TEŠANJ“

Član 3.

Sjedište društva je u JELAHU ul. Armije BiH bb

Član 4.

Udruženje ima svojstvo pravnog lica, a stiče ga danom upisa u registar udruženja građana Ministarstva pravde.

Član 5.

Udruženje posjeduje finansijska sredstva. Finansijski promet sredstava Udruženje vrši preko svog žiro računa koji se vodi kod nadležne finansijske institucije sa kojom je zaključen ugovor.

III OZNAKE UDRUŽENJA

Član 6.

Udruženje ima štambilj i pečat.

Pečat je okruglog oblika i sadrži puni naziv Udruženja sa sjedištem u latiničnom i ćiriličnom pismu. U sredini pečata je oznaka ribe.

Štambilj Udruženja je pravougaonog oblika.

Član 7.

Udruženje ima svoju zastavu koja označava sportsku djelatnost i sjedište.

Zastava je boje, veličine.....mm xmm u čijem središtu je grb Udruženja iznad - kojeg je napisano zlatnim slovima (ovalno):

SPORTSKO RIBOLOVNO DRUŠTVO a ispod
„JELAH-TEŠANJ“ (ovalno).

Zastava je obrubljena zlatnom trakom.

Član 8.

Udruženje ima svoj grb koji simbolizira gradinu i rijeke Usoru i Bosnu.

Grb je heradličnog oblika. Tok rijeka je plave boje u čijem središtu je lik ribara i ribe, gradina je sive boje a pozadina žute boje. Kružno oko grba je ispisano : «UDRUŽENJA GRAĐANA SPORTSKIH RIBOLOVACA „JELAH-TEŠANJ“.

IV ZASTUPANJE I PREDSTAVLJANJE

Član 9.

Udruženje zastupa i predstavlja predsjednik Upravnog odbora, a u njegovoj odsutnosti zamjenik predsjednika Upravnog odbora.

Član 10.

U slučaju da predsjednik Upravnog odbora iz bilo kojeg razloga ne može obavljati svoju dužnost predsjednika Upravnog odbora, te poslove će obavljati zamjenik predsjednika Upravnog odbora ili sekretar o čemu će odluku donijeti Upravni odbor na prvoj narednoj sjednici.

Član 11.

Predsjednik Upravnog odbora je naredbodavac u odnosu na sredstva kojima raspolaže Udruženje.

V DJELATNOST UDRUŽENJA

Član 12.

Osnovna djelatnost Udruženja je:

- unaprijeđenje i razvoj sportskog ribolova;
- zaštita i unaprijeđenje ribljeg fonda;
- razvoj turizma na tokovima voda na području općine TEŠANJ;

- organizovanje sportsko-ribolovnih takmičenja kao i učešće u ostalim oblastima sportskog ribolova;
- pripremanje i obuka članstva u obavljanju sportskog ribolova, takmičenju u svim sportsko ribolovnim disciplinama sa osvrtnom na razvoj ovog sporta kod mladog naraštaja (pionira, pionirki, omladinaca i omladinki);
- posebno na razvoju ovog sporta kod ženskog pola svih uzrasta;
- uređenje ribarskih staza kao i uređenje takmičarskih terena kao i objekata;
- zaštita zemljišta i otvorenih tokova od zagađivanja bilo industrijskim vodama, tvrdim otpadima i hemijskim sredstvima;
- očuvanje, zaštita i unaprijeđenje ribljeg fonda putem akcija na očuvanju prirodnog i provođenju vještačkog poribljavanja;
- obezbijedenje čuvarske službe na svim tokovima na području ribolovne zone na kojoj ima ribolovno pravo.
- saradnja sa srodnim organizacijama na nivou kantona, entiteta i države Bosne i Hercegovine;
- svi drugi poslovi vezani za zaštitu i unaprijeđenje ribljeg fonda kao i razvoj sportskog ribolova;

Član 13.

Udruženje može vršiti i druge poslove po odluci upravnog odbora.

VI UVJETI, NAČIN UČLANJENJA, PRESTANAK ČLANSTVA KAO I PRAVA, DUŽNOSTI I ODGOVORNOSTI ČLANOVA UDRUŽENJA.

Član 14.

Članom udruženja se postaje potpisivanjem pristupnice i uplatom godišnje članarine kao i uz ispunjavanje uvjeta iz Zakona o slatkvodnom ribarstvu.

Član 15.

Kategorije članova udruženja su :

- Seniori i seniorke preko 18 godina
- Juniori i juniorke od 15 – 18 godina
- Kadeti i kadetkinje do 14 godina
- Penzioneri
- Inavalidi preko 60 % invalidnosti

Član 16.

Prestanak članstva u Udruženju nastupa smrću člana, istupanjem iz članstva, preseljenjem na drugu teritoriju ako to član zahtijeva, neplaćanjem članarine te isključivanjem po odluci Disciplinskog suda Udruženja.

Član 17.

Svaki član Udruženja obavezan je da se pridržava Zakona o slatkovodnom ribarstvu i svih propisa koje donose organi Udruženja.

Član 18.

Svaki član je dužan da se pridržava kodeksa ponašanja u vršenju sportskog ribolova.

Član 19.

Član Udruženja svoja prava ostvaruje isključivo preko izabranih organa:

Skupština, Upravni odbor i ostali organi Udruženja.

Član 20.

Svaki član ima pravo da bira i da bude biran (izabran) u organe Udruženja, osim ako je isključen iz organa zbog disciplinskog prekršaja.

VII ORGANI UDRUŽENJA

Član 21.

Organi Udruženja su:

1. Skupština društva (izborna i izvještajna)
2. Upravni odbor (9 članova)
3. Nadzorni odbor (3 člana)
4. Disciplinski sud (3 člana)
5. Komisije Upravnog odbora

VII/1. SKUPŠTINA

Član 22.

Skupštinu čine svi članovi Udruženja koji su na dan održavanja Skupštine izmirili svoje obaveze prema Udruženju zajedno sa Upravnim odborom.

Član 23.

Skupština ima svog predsjednika i zamjenika čiji je mandat četiri godine i mogu biti ponovo izabrani.

Član 24.

Skupština se održava jednom godišnje, a može se održati i više puta, po odluci Upravnog odbora ili na inicijativu najmanje 10 članova društva.

Član 25.

U slučaju da predsjednik ne održi Skupštinu u skladu sa prethodnim članom, Skupštinu će sazvati zamjenik ili Predsjednik Upravnog odbora.

Član 26.

Skupština može pravomoćno odlučivati ako sjednici prisustvuje minimalno 10% od ukupnog broja članstva.

Skupština donosi odluke na sjednicama i donosi ih većinom glasova od ukupnog broja prisutnih.

Član 27.

Nadležnost Skupštine: Donosi odluku o osnivanju i prestanku Udruženja, bira Predsjednika, donosi Poslovnik o radu Skupštine, razmatra i usvaja Završni račun Udruženja, bira organe upravljanja i rukovođenja u Udruženju i druge odluke ako to nije u nadležnosti drugih organa i komisija Udruženja i Upravnog odbora.

VII/2. UPRAVNI ODBOR

Član 28.

Upravni odbor broji 9 članova.

Upravni odbor ima predsjednika, zamjenika predsjednika, sekretara i blagajnika, čiji mandat traje četiri godine, a mogu biti ponovo imenovani ili ranije smijenjeni i opozvani.

Član 29.

Upravni odbor donosi odluke na sjednicama i donosi odluke većinom glasova od ukupnog broja prisutnih članova Upravnog odbora. Upravni odbor za svoj rad odgovara Skupštini Udruženja.

Član 30.

Nadležnost Upravnog odbora je da utvrđuje poslovnu politiku, donosi program rada, uvodi periodični i završni račun poslovanja, priprema opće akte koje donosi Skupština, donosi odluke o nagradama, priznanjima, utvrđuje visinu godišnje, dnevne ili mjesečne članarine, imenuje stručne i druge komisije, donosi i druge odluke koje nisu u nadležnosti Skupštine.

Član 31.

Predsjednik Upravnog odbora zastupa i predstavlja društvo i za svoj rad odgovoran je Skupštini i Upravnom odboru Udruženja.

Član 32.

Predsjednik Upravnog odbora može ovlastiti i drugo lice da zastupa i predstavlja Udruženje pred nadležnim organima, ali o tome obavještava Upravni odbor.

VII/3 NADZORNI ODBOR

Član 33.

Izborna Skupština na svom zasjedanju bira Nadzorni odbor Udruženja od 3 člana od kojih je jedan predsjednik i 2 člana sa svojim zamjenicima.

Član 34.

Nadzorni odbor vrši povremene kontrole materijalno-finansijskog poslovanja Udruženja i ocjenu donesenih odluka i Zaključaka u skladu sa Statutom Udruženja i ostalim normativnim aktima. Mandat Nadzornog odbora traje četiri godine.

Član 35.

Nadzorni odbor obavlja svoj rad kroz održavanje redovnih i vanrednih sjednica.

Svoj izvještaj o nalazima stanja Nadzorni odbor podnosi Skupštini Udruženja na njenoj redovnoj ili vanrednoj sjednici i to najmanje 2 puta u toku kalendarske godine.

VII/4. KOMISIJE UPRAVNOG ODBORA

Član 36.

1. Komisija za zaštitu i unapređenje ribljeg fonda
 - a) Ribočuvarska sekcija
 - b) Eko sekcija
2. Takmičarska komisija
 - a) Sudijska sekcija

1. Komisija za zaštitu i unapređenje ribljeg fonda

Član 37.

Za provođenje aktivnosti iz provođenja odredaba Zakona o slatkovodnom ribarstvu u F BiH, Upravni odbor imenuje Fond za unaprijeđenje, zaštitu i korištenje ribljeg fonda na području ribolovne zone na kojoj ima ribolovno pravo.

Fond je pravno lice i djeluje kao organ Upravnog odbora.

Fond se sastoji od predsjednika i 2 člana.

Član 38.

Sredstva Fonda se sastoje od djela članskog uloga i prikupljenih sredstava na ime naplaćenih šteta nanesenih ribljem fondu od strane fizičkih i pravnih lica.

Sredstva Fonda sačinjavaju i donacije ustupljene Društvu u cilju razvoja i zaštite ribljeg fonda na području ribolovne zone na kojoj ima ribolovno pravo.

Član 39.

Fond za svaku kalendarsku godinu izrađuje Program unaprijeđenja ribarstva.

Na godišnji Program unaprijeđenja ribarstva svoju saglasnost daje Ministarstvo poljoprivrede, vodoprivrede i šumarstva Federacije BiH.

Fond radi putem redovnih i vanrednih sjednica.

a) Ribočuvarska sekcija

Član 40.

U cilju kontrole obavljanja sportskog ribolova na tokovima ribolovne zone na kojoj ima ribolovno pravo, pri Fondu kao njegov organ djeluje ribočuvarska sekcija.

Ribočuvarska sekcija obavlja svoj rad na području tokova ribolovne zone na kojoj ima ribolovno pravo.

Ribočuvarska sekcija se sastoji od ribočuvaračuvara ribolova – članova društva.

Za vršenje ribočuvarske službe Udruženje može na prijedlog Fonda imenovati i profesionalnog ribočuvara po osnovu zasnivanja stalnog ili povremenog radnog odnosa.

a) Eko sekcija

Član 41.

Ekološka sekcija se sastoji od 3 člana.

Član 42.

Ekološka sekcija radi na osnovu Pravilnika o radu ekološke sekcije

Član 43.

Sredstva za potrebe ekološke sekcije odobrava Upravni odbor na osnovu finansijskog plana koji je usvojila Skupština Udruženja.

2. TAKMIČARSKA KOMISIJA

Član 44.

U cilju razvoja takmičarskog sporta, Upravni odbor formira kao svoj organ «TAKMIČARSKU KOMISIJU».

Upravni odbor formira ovu komisiju od Predsjednika Komisije i dva člana .

Takmičarska komisija donosi Kalendar takmičenja za čije provođenje obezbijeduje potrebna sredstva i opremu.

a) Sudijska sekcija

Član 45.

Pri takmičarskoj komisiji djeluje sudijska sekcija. Sudijsku sekciju sačinjavaju sve sudije sa položenim ispitom, društvenog i državnog ranga. Najstariji po rangu sudija sekcije je i predsjednik ove sekcije. Sekcija imenuje sudije za kontrolu provođenja takmičenja, daje ocjene

uspješnosti takmičenja u organizaciji provođenja takmičenja. U okviru programa rada u sekciji se održavaju povremeni ispiti sa seminarima koji imaju za cilj obnovu znanja sudija iz oblasti poznavanja Pravilnika o provođenju sportsko ribolovnih takmičenja propisane od strane CIPS-a (Međunarodna organizacija sportskih ribolovaca). Na svojoj sudijskoj opremi sudija nosi oznaku svog ranga sa punim imenom i prezimenom.

VII/5. DISCIPLINSKI SUD

Član 46.

Izborna Skupština Udruženja na svom zasjedanju bira Disciplinski sud Udruženja. Zadatak Disciplinskog suda je održavanje sportske discipline među svojim članovima i preduzimanje mjera u cilju otklanjanja pojave narušavanja te discipline. Disciplinski sud se sastoji od predsjednika, tužioca, branioca i članova porote.

Član 47.

Tužioca ispred Udruženja imenuje Skupština Udruženja na svom zasjedanju.

Član 48.

Predsjednika Disciplinskog suda imenuje Skupština Udruženja na svom zasjedanju.

Član 49.

Branioca bira okrivljeni član iz redova članstva. Branilac ne može biti član Udruženja koji je za svoj disciplinski prijestup odgovarao pred Disciplinskom komisijom odnosno Sudom.

Sudska porota se bira kod razmatranja svakog pojedinačnog slučaja iz redova članstva.

Sjednice Disciplinskog suda saziva Predsjednik Suda na zahtjev Tužioca. Tužioca imenuje predsjednik Udruženja.

Član 50.

Na Odluku Disciplinskog suda okrivljeni ulaže prigovor koji razmatra Skupština Udruženja na svom zasjedanju.
Odluka Skupštine je konačna.

Član 51.

Kazne koje izriče Disciplinski sud za prekršaje članstva iz oblasti sportske discipline i narušavanja odredaba Zakona o slatkovodnom ribarstvu su:

1. opomena,
2. zabrana vršenja sportskog ribolova u periodu od 3 mjeseca,
3. zabrana vršenja sportskog ribolova u periodu od 6 mjeseci i
4. isključenje iz članstva Udruženja.

VIII SREDSTVA UDRUŽENJA

Član 52.

Udruženje stiče sredstva od članarine, donacija, kredita, doznaka iz budžeta općine Tešanj ili države kao i od naplate šteta nanesenih ribljem fondu na području ribolovne zone na kojoj ima ribolovno pravo kao i drugih zakonom predviđenih izvora.

Član 53.

Pored finansijskih sredstava Udruženja, Udruženje posjeduje imovinu koja se sastoji iz :

- osnovnih sredstava,
- alata i sitnog inventara.

Čuvanje i način raspolaganja imovinom reguliše i odgovoran je Upravni odbor.

Član 54.

Finansijski promet sredstava Udruženje vrši preko svog žiro računa koji se vodi kod nadležene finansijske institucije sa kojom je zaključen Ugovor.

SEKRETAR UDRUŽENJA

Član 55.

Udruženje ima sekretara Udruženja.

Sekretar Udruženja je odgovoran za svoj rad predsjedniku Upravnog odbora.

Član 56.

Sekretar Udruženja obavlja poslove i zadatke na osnovu opisa poslova koje propisuje Upravni odbor.

Član 57.

Za vođenje knjigovodstvenih poslova Udruženje angažuje honorarnog knjigovođu.

IX NAGRADE I PRIZNANJA

Član 58.

Udruženje može svojim članovima dodjeljivati nagrade i druga priznanja u skladu sa uslovima koje Odlukom utvrdi Upravni odbor Udruženja. Prije donošenja svoje Odluke Upravni odbor je dužan imenovati Komisiju za dodjelu nagrada i priznanja koja će utvrditi prijedlog njegove Odluke.

X JAVNOST RADA UDRUŽENJA

Član 59.

Rad Udruženja je javan.

Član 60.

O radu Udruženja javnost izvještava Upravni Odbor /predsjednik/ ili lice koje on ovlasti.

XI AKTI UDRUŽENJA

Član 61.

U Udruženju se donose sljedeći opšti akti:

- Statut Udruženja
- Poslovnik o radu Skupštine i Poslovnik o radu Upravnog odbor
- i po potrebi drugi opšti akti.

Član 62.

Akte iz prethodnog člana donosi Skupština Udruženja na prijedlog Upravnog Odbora.

Član 63.


Izmjene i dopune općih akata vrše se po postupku njihovog donošenja.

Član 64.

U slučaju potrebe, izmjene i dopune akata može vršiti i Upravni Odbor u svom redovnom zasjedanju.

Član 65.
Statut stupa na snagu danom donošenja.

Član 66.
Stupanjem na snagu ovog Statuta prestaje da važi stari Statut.



PREDSJEDNIK SKUPŠTINE
Prim. mr. sci. dr. Esad Hasaničević

A handwritten signature in black ink, appearing to read "Esad Hasaničević".


OVJERAVA MINISTARSTVO
ZA PRAVOGUBE I UPRAVU

broj: 06-05-99-3/98 K-1, 82 269.

Potpis ovlašten o...

11.07.17

Ministarstvo pravosuđa i uprave



VIII - OSMO POGLAVLJE

Zaključak sa porukom

Radna grupa Udruženja je napravila rekapitulaciju i retrospektivnu analizu vodotoka i priobalja rijeke Usore, a posebno na području Jelaha. Kao posmatrači, stanovnici, a posebno kao sportski ribolovci došli su da poraznih spoznaja.

- Briga šire društvene zajednice za okoliš je nedovoljna.
- Praktični potezi za poboljšanje su sporadični.
- U proteklim vremenima, preduzimate su radnje koje su, možda u prvi mah izgledale opravdane, ali su se pokazale pogrešnim i kontraproduktivnim.
- Nisu dovoljno uvažavani principi struke i nauke.
- Prirodna staništa riječnog i priobalnog životinjskog svijeta su skoro u potpunosti devastirana-uništena (eksploatacija šljunka iz riječnog korita i priobalja).
- Izgradnja stambenih i drugih objekata u riječnoj zoni ima višestruko štetnu ulogu.
- Nekontrolisano odlaganje krutog otpada u i oko riječnog korita.
- Nekontrolisano izlivanje otpadnih voda u vodotok (kanalizacionih i industrijskih).
- Mnoge biljne i životinjske vrste su nestale.
- Krajnje je vrijeme osvješćivanju za, bar djelimičnu korekciju postojećeg – nedopuštenog i neodrživog stanja.
- Revitalizacija rijeke, njenog korita, a sa time u vezi biljnog i životinjskog svijeta u njoj i okolo nje mora se nametnuti kao dugoročni strateški prioritet.

Nekorektno bi bilo ne spomenuti spremnost i angažman aktuelnih općinskih struktura u akcijama uspostave ugodne, privlačne i zdrave životne sredine.

Aktivnost na izgradnji kanalizacione mreže, koja je u toku, dobrim dijelom će stanje popraviti, ali na tome se ne može stati, jer:

- **USORA NIJE SAMO NAŠA RIJEKA ONA JE NAŠ ŽIVOT.**
To nije figurativna konstatacija niti floskula. Od nje uzimamo svaku kap dragocjene tehničke i pitke vode.

Vraćamo li dug našoj rijeci i kako?

Malo kasnimo, ali pomaka ima.

Literatura:

1. Komisija za planiranje općinskog razvoja: Strategija razvoja općine Tešanj od 2007. do 2015. godine, str.3-20.
2. <http://www.opcina-tesanj.ba/podaci-o-opcini/geografija-demografija/10027-geografsko-demografski-podaci>;
3. Popis stanovništva, domaćinstava i stanova 1981. godine, domaćinstava po naseljima, Statistički bilten 112, Republički zavod za statistiku Bosne i Hercegovine, Sarajevo, 1982. godine;
4. [https://sh.wikipedia.org/wiki/Jelah_\(Tešanj\)](https://sh.wikipedia.org/wiki/Jelah_(Tešanj));
5. Prvi rezultati popisa stanovništva, domaćinstava, stanova i poljoprivrednih gazdinstava 1991. godine, Republički zavod za statistiku, Sarajevo, 1991. godine; Teslić, 1986.
6. Devedeset godina „Destilacije“ Teslić, monografija, izdavač: RO Destilacija Teslić, 1986.
7. Advan Hozic: Teslić u NOB, izdavač: SO TESLIĆ, 1985.
8. Mala enciklopedija Prosveta (3 izd.). Beograd: Prosveta. 1985. ISBN 978-86-07-00001-2.
9. Marković, Jovan Đ. (1990). Enciklopedijski geografski leksikon Jugoslavije. Sarajevo: Svjetlost. ISBN 978-86-01-02651-3.
10. <http://www.enciklopedija.hr/natuknica.aspx?ID=9238>
11. http://www.dzzp.hr/dokumenti_upload/20160525/dzzp201605251320400.pdf
12. <https://www.icpdr.org/main/publications/guidance-documents>
13. <http://www.janaf.hr/eko-kutak/veliki-znacaj-globalnog-ekoloskog-pokreta/>
14. https://hr.wikipedia.org/wiki/Svjetski_dan_voda
15. <http://www.unece.org/env/water/>
16. Sead Maglić: Jelaški vatrogasci 1947-2012 (65 godina), JU Opća biblioteka Tešanj, 2012.
17. E.Hasaničević, R.Sejdinović, Lj.Sejdinović. Utjecaj ekoloških promjena na učestalost hospitalizacija zbog oboljenja respiratornih organa. U: Zbornik radova – Životna sredina i zdravlje. Internacionalni kongres «Zdravlje za sve»-Perspektive zdravlja u 21. vijeku – Banja Luka, 04-08.06.2003.god.str.135-144
18. Esad Hasaničević: Ekološke promjene i učestalost oboljenja respiratornih organa djece. U: Knjiga apstrakta. II kongres pedijatara

Bosne i Hercegovine sa međunarodnim učešćem. Sarajevo, 12-14. novembar 2002. str. 53-4.

19. S.Muhamedagić, A.Hamzić, S.Trožić-Borovac et al.: Ribarska osnova za područje Zeniničko-dobojskog kantona. Poljoprivredno-prehrambeni fakultet Univerziteta u Sarajevu. Sarajevo, april 2012. godine.

20. M.Spasojević: Prvi tešanjski industrijski kolektiv. SOUR „Igmin“ – Tuzla RO IGM „Usora“ Jelah, august 1986.

21. <https://www.facebook.com/notes/emir-debajunkic/mevi%C4%87a-mlin/1245822508835364>

Podaci o autoru



Prim.mr.sci.med.dr Esad Hasaničević

Rođen je 21.09.1950. godine u Jelahu, općina Tešanj.

Osnovnu školu je završio u rodnom mjestu, a srednju medicinsku u Doboju.

Medicinski fakultet je pohađao u Sarajevu.

Tokom studija je radio na hirurškoj klinici „Dr Blagoje Kovačević“ u Sarajevu, kao medicinski tehničar u intenzivnoj njezi i reanimaciji.

Studij je završio 1977. godine, kada u svojstvu ljekara opće prakse, počinje raditi u Doboju.

Radio je u svim terenskim ambulantama općine Doboj.

Od rukovodstva Medicinskog centra i općine Doboj 1980. godine dobija zadatak za formiranje Službe hitne medicinske pomoći u čemu je u potpunosti uspio.

Tokom 1981. godine započinje, a 1984. godine u Sarajevu, okončava specijalizaciju urgentne medicine.

U periodu njegovog rukovođenja, do 1990. godine Služba hitne medicinske pomoći u Doboju je dobila još 4 specijaliste urgentne medicine.

Od 1990. godine, do početka rata, je obavljao funkciju predsjednika Sindikata radnika u zdravstvu i socijalnoj zaštiti Bosne i Hercegovine u Sarajevu i bio član predsjedništva Sindikata zdravstvenih radnika Jugoslavije.

Nakon rata se ponovo uključio u sindikalni rad, te od 2013. godine do 2017. godine obnaša funkciju predsjednika Kantonalne organizacije Nezavisnog strukovnog sindikata radnika zaposlenih u zdravstvu Zeničko-dobojskog kantona.

Učestvovao je u osnivanju Sekcije urgentne medicine Društva ljekara BiH, čiji je bio član Predsjedništva.

Na prijedlog Podružnice Društva ljekara BiH iz Doboja i Predsjedništva Sekcije urgentne medicine Društva ljekara BiH, 1992. godine dobio je titulu Primarius, a uručena mu je 1996. godine.

Učestvovao je u organizaciji Kongresa urgentne medicine u Neumu i na Igmanu, kao i u izdavanju Zbornika radova sa tih kongresa.

Jedan je od osnivača Ratne bolnice i Medicinske škole u Tešnju.

Cijelo vrijeme rata, od 03.05.1992. godine rukovodio je radom Prijemno-trijažnog odjeljenja i bio član mobilne hirurške ekipe.

Nakon rata, do 2015. godine rukovodio je radom Službe hitne medicinske pomoći u Tešnju.

U jednom periodu je u svojstvu direktora je rukovodio radom Doma zdravlja u Tešnju.

Tokom rata, 26. novembra 1992. godine, prilikom redovnog obavljanja poslova na zbrinjavanju ranjenika i sam je ranjen krhotinom granate.

Završio je postdiplomski studij iz Javnog zdravstva, smjer Porodična/obiteljska medicina.

Autor je više stručnih radova iz oblasti povrijeđivanja, a tema magistarskog rada mu je bila: "Epidemiološka studija ratnog eksplozivnog povrijeđivanja u tešanjskom kraju". Duži niz godina bavi se istraživanjem uzroka i posljedica povređivanja pri saobraćajnim nezgodama.

Također je objavio nekoliko stručnih radova o utjecaju ekoloških faktora na zdravlje ljudi.

Radovi su mu objavljivani i citirani u domaćim i inostranim časopisima. Štampane su mu knjige:

Žrtve rata 1992-1995. «Planjax», Bobare -Tešanj. 1998

Saobraćajni traumatizam u Tešnju-osobenosti i model rješavanja.

Općinska organizacija Crveni križ Tešanj, 2001. -60. AD print, Jelah.

Osnove prehospitalne urgentne medicine. Tešanj: Centar za kulturu i obrazovanje. 2009.

Završio je dodatnu stručnu i profesionalnu izobrazbu, te za iste dobio međunarodno priznate certifikate.

Od formiranja Zdravstvenog fakulteta u Zenici, duži niz godina je radio u svojstvu Višeg asistenta, a nakon toga, predavača i ispitivača predmeta Urgentna medicina.

U 2007. godini u svojstvu člana, a 2008. godini kao Glavni doktor ljekarske ekipe za zdravstveno zbrinjavanje hadžija koji putuju kopnom je ispunio i svetu dužnost hadždž.

Dugi niz godina je dodatno angažiran na radu u humanitarnim organizacijama - Crveni križ Tešanj i MDD "Merhamet" Doboj.

Za svoj profesionalni, stručni i društveni rad je dobio niz priznanja i nagrada.

Još kao dječak je počeo pecati, prvo na Talinom potoku, a potom na Usori. Odlaskom na studije napravio je pauzu u ribarenju. Nakon završetka studija i početkom rada u RMC Doboj (1978), učlanio se SRD "Bosna" u Doboju, a zbog čestih odlazaka na pecanje na rijeku Ukrinu i jezero Drenova kod Prnjavora bio je član i ribarskog društva iz Prnjavora. Nerijetko je ribario na Dunavu, Savi, Drini, Tamišu i Orljavi. Od završetka rata 1995. godine aktivan je član SRD "Jelah-Tešanj". U dva mandata je bio potpredsjednik Skupštine udruženja. Na održanoj skupštini 15.01.2017. godine je izabran za predsjednika Skupštine udruženja.

ISBN 978-9926-8236-0-3

